

随

園

全

集

詩  
集



錢唐袁枚子才

題蔣苕生太史歸舟安穩圖



金仙侍香案忽思歸去來上堂告阿母母曰與汝偕聞住雞犬驚聞歸妻孥喜阿母更欣然  
歌詩七章矣 陸行風沙多水行布帆穩船頭酒一卮船尾書千本行行重行行順逆隨  
風檣難得一家春舟如小洞房 婦見遠山佳索郎把眉掃兒見溪水清呼爺垂釣好篙  
工亦停槳問公何所往公笑指烟中鍾山本姓蔣

哭皖江方伯許公三十韻

諱松楸 福建人

江左亡屏翰 中朝喪老成官從流外起人在上中行好學分陰惜憐才倒屣迎計偕隨趙  
壹幕府出匡衡稅駕三吳地褰帷百越城神臯清化雨王路塞夷庚荒政千村活爰書萬獄  
平張弓寬處矯買壁厚邊爭野有欒公社家無羊侃箠傷人還問馬嗜鴈不呼卿小謫遭波  
累崇朝雪 聖明鏡磨光愈白風定水仍清封罷三錢府重揚五馬旌皖江方伯始  
公慶自吳楚衆山迎斗食籌邊急牢盆握算精掉頭雖白髮舉念總蒼生欵欵風常拂謙謙谷  
不盈只緣深閱歷彌復造真誠與我同寅好逢人說姓名廿年如一日每見必三更視病蒙  
秤藥投瓜愧報瓊雲泥忘定分縞紵極深情往歲來招隱空山共聽鶯相看微覺老永訣不  
勝驚琴轍鍾牙響春停杵臼聲善人爲世惜驚馬向誰鳴瞻望甘棠樹淒涼宿草莖九原懷  
士會一慟感袁宏遠寄詩三疊聊當奠兩楹重泉如識曲衰淚也盈傾

五十歲生日舟中作

三月歸未得五旬忽在躬晨興憶生辰獨坐對孤篷平生幸早達歲月原從容每見半百叟  
夷然不界胸自謂去之遠相隔如十重何圖遽自及光陰來匆匆古人服官政到此成事功  
翁子最晚遇亦復夸遭逢而我復何爲雙鬢徒蒙茸簪纓旣了鳥事業復籠東來日欠亦少  
去日積已空旁人稱介壽掩耳聽未終頗如女新婚言之兩頰紅羨殺馮瀛王生日俱朦朧  
且喜揮羽扇渡江唱阿童稱觴無賓旅擊楫有舵工冉冉碧流水蓬蓬遠山風誰能指煙波  
中有五十翁

名言

名言誰與宋雞談海上仙山可築龕將乙比鴻身豈二出遊騎馬影成三中書肯把徵歌換  
僕射何如飲酒甘且逐蜘蛛充小隱不隨牛象鬪江南

東風

東風知我年將老吹得楊枝如許長偶過西溪小橋畔向人學舞兩三行

偶作五絕句

種樹成香國關門作睡王近來客解事都不早升堂 偶尋半開梅閒倚一竿竹兒童不  
知春問草何故綠 怕見有求客不栽難畜花無心作投贈狂竹入鄰家 月下掃花  
影掃勤花不動停帚待微風忽然花影弄 好學原爲福無情不是才吟詩推客去開閣  
放山來

姑蘇紀事

不負昇平有此身姑蘇二月作遊人燈篷綵勝迎 蠻處代插梅花掃路塵 濟市嚴關

徹夜開雲階月地總樓臺碧波兩岸清如鏡照見紅妝海樣來 一朵仙雲耀眼前相思

無路水如煙桃花門巷渾忘記崔護當時更惘然 隊隊笙歌對落暉紅裙不放酒人歸

消魂此日山塘路七隻仙舟妓打圍 但逢勝景便勾留錦帳香燈汗漫遊何處有花何

處宿果然蝴蝶勝莊周 寒山空谷兩平章穿出花樓上竹房知是 六龍才過處雲墩

水瑟尙宮商 平生嘗遍五侯鯖崔浩常思著食經此日書空作唐字金鹽玉豉總仙靈

唐絕 良友知儂怕寂寥青樓苦勸伴嬌嬈誰知小玉奄奄病嚼蠟橫陳是此宵 雙

雙公子駐征驂引入嫵媚酒共酣一夜羅幃傾海水者番春色領江南 袖得西湖嶺上

雲歸來重鬪水犀軍弟兄真是皇華使到處摠衣見小君 調樹齋 妬女津邊一鴈飛羽

林郎別淚沾衣惹他烏鵲橋頭笑不信仙家有是非 日暉橋下小銀河匹馬黃昏獨自

過夢醒忽驚衫袖濕阿侯分與乳痕多 手種橫塘柳一枝當年換馬別袁絲今朝相見

添惆悵合浦珠還有所思 金娘顏色照銀泥一白能教衆卉低七日春風等閒度斷雲

含雨又東西 屢夢游仙記不清吾家大捨有風情直須喚作宜春氏同上高樓看月生

二十年來鬢未華曾披宮錦住唐家而今賓主頭俱白愁對紅梨日暮花 賦別匆

匆唱惱公雲華重作主人翁自憐隻履西歸客尙有瑤池席未終

再題生同公讌圖 有序

余題生同公讌圖畢即往蘇州生同捧檄來省竟未交付及余還山而君已怛化於

毗盧庵矣展卷懷人悽愴不已重題二律付令嗣紹曾顯曾兩太史藏之

屬題詩就君何在老淚重添落卷中聽捧羽書來白下竟歸兜率泣春風卅年見面交情畢

四品羈身宦局終腸斷伯恭徵士頌山河零落酒壚空 追酬人日懷高適重答遺書感

孝標半月宣州官草草一燈僧寺雨瀟瀟銘旌歸緩愁清俸公謙詩成當大招難得瑯琊雙

玉樹已傳家學到丹青

送似村公子還長安

芳草綠未歇公子歸匆忙清晨來辭我雨泣沾衣裳道是昔時歸嚴君領南方為有趨庭職  
思君便治裝今歸非昔歸使相入平章全家還闕下後會真茫茫我聞斯言畢中懷惻以傷  
長安二千里飛鳥嫌路長何況山中人終身辭帝鄉我心欲待君南北永相望我年不待君  
垂垂鬢已霜 君家瓊瑤枝森森十三樹偏君最有緣十載江南住袁浦初握手玉質披

烟霧白下再題襟賡歌更無數每升夫子堂先與郎君晤談深月窺人坐久竹垂露官鼓測  
歸期書燈引前路欲起定苦留相扶必同步當時不知樂此日空追慕明知終有別不料行  
當去依依柳色新冉冉春光暮從此過西園書窗怕回顧 皇帝重真才科停六七載養  
君晚成器畜極將有待今年秋闈開出匣干將快努力策修名韋平業可再我似識先幾丹

青將君畫一卷隨園山五人竹間話誰知把畫圖即以送征蓋君身雖已行君貌依然在身  
在青雲間貌在白雲外流傳千百年知我兩相愛

同梅岑送似村渡江同宿浦口別後却寄

送別到江盡過江別更難我不解此苦搖槳登木蘭悄悄梅岑子與我同舟去三人野店眠  
纏綿到天曙不願留君駕只願留長夜長夜永不明君從何處行雞聲忽啞啞馬聞僮僕  
僮僕慮人惱詭言天尚早恰恐行太遲前途旅店稀忍心勸君走登車重握手此手終要分

兩淚徒纏紛君行淚不收我歸淚更流脉脉復登舟滿江春水愁

望山相公扈 蹕南門墜馬損足賦詩奉懷

三公雖坐論四海望行春爭奈從龍日翻驚墜馬身履聲 天聽急鞿解御醫頻速報 君

王愈馳詢已七人 聽說扶宜祿還能侍玉除陽春真有腳緩步且當車示健安朝野懷

歸畏簡書王臣真蹇蹇一笑晚風餘

早年

早年為政早歸耕別是人間一性情老恥逃禪占定力貧能行樂仗聰明也知略有今生福  
未必全無後世名檢點殘書聊自慰古來傳不盡公卿

何秀才將售出園林畫圖屬題

煙雲一幅輞川圖何點從前此讀書樓外雨花當塔墮溪邊風柳隔橋疎山雖已賣空存畫  
臥可常遊轉勝居修葺不需題詠滿子孫開卷即吾廬

嘲眼鏡

眼光原自在爭仗鏡為能縱使窮千里終嫌隔一層有繩先繫鼻無淚已成冰徐偃不亡國  
瞻焉便可憎荀子徐偃王目可瞻焉即近視也

座主大廷尉鄧遜齋先生自蜀之長安泊舟白下恭送四章

萬里峨眉月吹來江上村師生重握手僮僕盡消魂鬢髮霜如許滄桑事莫論攀裾難忍淚

二十七年恩 瞻有升堂客王褒及李冲門下士王發桂三人齊北面一席坐春風桃李

花全老金燈帳尙紅先生應莞爾吾道在江東 欲慰蒼生望全家蜀道還衫痕巫峽雨

帆影白門山木鐸三江舊萊衣廿載斑乾隆九年公宣諭江南即論公出處久已重人間

繞屋花千樹關門手一編能教有今日爭敢忘當年路是長安近書憑旅鴈傳只憐垂老

別白首拜江天

送望山相公入閣詩

平章秋後入 楓宸消息愁教父老聞朝裏自然需上相人間未免戀慈雲當時澤只三江

占此日恩同四海分儘把嘉謨作辰告遭逢難得 聖明君 金陵久住似家鄉此別知

公也斷腸蕭寺鶯聲何處聽棲霞山色為誰蒼水寬魚忘遊時樂春好花留過後香卅載軍

民如一夢東風吹淚滿甘棠 記從弱冠侍蓬萊老去心情倍愛才山徑偶然元老至軍

門常為野人開牙旗月落宵傳簡燕寢香凝晝舉杯此後荒村好風雪更誰騎馬送詩來

驪歌一字一深情唱到陽關結尾聲黃閣人行秋萬里青琴絃斷月三更重披絳帳知何

日已傍龍門過半生到底思公公不遠中台星照大江明

陶西圃從樂平遷司馬需次入都攜前所贈姬人及子女重過隨園

一枝花贈十三年白首相逢倍黯黯難得雙雙入共至呼兒挈女拜燈前 太行山色鴈

門霜半落琴堂半洞房今日藍橋重過處白雲猶鎖合歡牀 愛讀新詩見典型怕聽流

淚說家庭人間竟有龍欄氏願乞開皇賜孝經 長安此去再登朝定與羣仙話寂寥道

我閒身雖耐老也陪公等鬢蕭蕭西圃前至長安道已未同年無不白頭者 關河行色正逢秋珍重加餐唱

莫愁彈指晨星能有幾此身須為故人留

五言一百韻送高槐堂別駕還武康



作吏非作儒而道實相須讀律非讀書而理實無殊平生牧民時曾抱此區區從不向人道  
慮人嗤我迂亦不求諸人其人今恐無有賢者高公玉貌何清臞初見在邗江行安而節舒  
司馬青衫破伍伯赤棒羸拔豪如拔韭用吏如用奴常宿辛公廳勸栽鄭公榆奇服怪民風  
一旦多騷除止我而觴之同席有唐衢謂唐廉其時興水政史起治溝渠草物十二衰公獨窮  
根株未幾來白下朝夕親軒朱精文與善法耳聞且日濡宅心最醇粹視聽無陝輪重典極  
蕭楯寬心抱王鈇蘇公不留獄訟者舞於途韓滉禁刑牛五施土不蕪小吏畏剔黜背面相  
擲揄大吏愛精勤微微嫌其拘公乃莞爾笑吾其病矣夫人生過六旬豈不知頭顱玉佩而  
長裾原不利走趨投効移病去飄然賦遂初父老一聞信戚戚相歎歎兒童及婦女各各鼓  
隴胡道有此衙門從無此大夫願公車擊互願公馬契需水歸海蕩蕩民歸賢愉愉我乃向  
民言公賢止此乎昔公在江右循聲達 帝都初綰銀城綬後剖潯陽符所到土鳧藻所治  
民知姝司寤禁宵行誰敢攘公踰門匠稽黃籍外繇無逃逋門內方喝盧門外已呼騶前巷  
方盜驢後巷已縛祛一士陷於獄臨死將公呼道公尙在茲我豈陷於辜一孀爲盜篡公誓  
取萑苻不得竟不止網密驚秋荼秀才聞公來書聲爭咿唔各持其文章啟戶迎雙鳧農賈  
聞公來利器而持鋤弟知敬其兄婦加孝於姑宣尼大成殿李渤甘棠湖岳王金陀祠周子  
蓮花居一一加脩濬簇簇新榱櫨前賢同揖讓後賢共相於豈非仕與學融成一貫歟天府  
報治最 天子笑曰俞擢之佐松江以彰循吏譽卓茂三公服黃霸一丈車陸績鬱林石崇  
龜荔支圖雍容將去矣合郡大躊躇曰豈惟民哉邑乘未成書良吏與良史惟公一身俱譬  
如婦持家薪米牛羊豈可無文簿約略存規模舊尹告新尹交替毋模糊先生俯而諾此

事良由余敢不觀厥成中道而棄諸乃居西河館大招文學徒有筆大如椽有墨珍如珠巨不漏山川小不遺村墟厥田輕爨土厥賦中下租圭撮無訛差羅縷窮錙銖德化有邑乘從公作權輿至今班史筆照耀江一隅其時官廩薄民供頗有餘老者爭洒泔幼者抱籩篋前門擔媿鴨後門饋生魚家家推鶴膝戶戶獻犀渠借公又一年公駕才驅驅江右旣如此江左當何如歲星原周天豈常照里閭春風成功退自然還太虛民雖無大廈公自有蓬廬民雖愛保障公亦思尊鱸勸民毋留公公行于公娛善人必有後天道良非誣不見公郎君紫鳳翔高梧謝家誇寶樹穆氏號醍醐頃刻翔青雲餘光照三吳今夕復何夕秋風吹芙蓉我同民送公千金買須臾愧無千里酒爲公傾百壺愧無四絃聲爲公歌驪駒且題陽城驛當書何易于

送滋圃新參入都二首

調羹貴新手折柳愛故枝新手惹人望故枝惹人思我送莊新參誰能爲此詞其詞多纏綿世載心相知交公諸生日送公作相時諸生至宰相迅若風輪馳憶昔沈家園隔花將公窺也知公必貴不料貴至斯其時兩少年結交惟恐遲明年京兆榜後年瓊林卮聯鑣相追逐直登蓬萊池一朝我小謫輪蹄遂參差自道仙凡隔重逢未有期何圖一江水天風吹聚之我來訪烟柳公來樹旌旗雲泥雖不親苔岑終相依布衣情款款舊雨談霏霏黃扉一以去白首何時歸但見蒼生樂誰知故人悲鳳皇自高翔閑鷗難遠飛惟望台垣星流光照幽栖尹公督兩江公來撫三吳我曾以書賀韓歐一時俱公乃謙詞答僕也何敢居誘而至於道其在斯言歟果然兩賢人仁風溢里閭忽焉雙雙去江左咸欷歔所喜同調元八荒如庭衢

豈有到蓬山而肯徒支吾公贈尹公詩有蓬山未到總支吾之句歷觀古賢相其道不可孤魏相以嚴治丙吉乃寬舒如晦斷於後元齡謀於初何況本師弟衣鉢傳有餘用心不妨同意見不妨殊殊則非朋黨同則相匡扶如作遠猷告此訐彼則謨如歌卷阿詩前唱後則喁會見臯與夔致君如唐虞

相公眷屬先期入都枚入起居見白猫悲鳴公獨坐淒然因以詩乞

烏圓爲送主人行似抱離愁宛轉鳴繞座已無雲鬢影聞呼還認相公聲也同遣愛甘棠好可許尋常百姓迎小畜有靈應識我絳紗帷裏舊門生

猫來後又以詩謝

狸奴真個賜貧官惹得羣姬置膝看鼠避早知來處貴魚香頗覺進門歡果然絳帳溫存久不比幽蘭服侍難公賜素寄語相公休念舊年年書札報平安

送高南疇觀察貴州

秋日馬蹄輕監司去石城黔陽新使節江左舊官聲地僻刑書簡風和瘴雨清知公行色好一路萬山迎愛我幽栖處高軒幾度過松花飄羽蓋卿月照烟蘿轉眼誰知別深談悔不多相思盼天末江水有回波

八月二日莊滋圃新參聞相公玉體有悵載酒延候拉枚同往

三江元老馳征輪三吳新參訪故人爲載酒尊趨絳帳仰承師意召同門十年不到舊山莊處處亭臺換夕陽笑指芙蓉夸野色抱將嬌女拜平章八鷗先唱花閒道升堂隨後柴車到赤也端章點也狂夫子難禁莞爾笑後堂人盡去長安燕寢香消錦瑟寒未免離愁成小病

白頭別坐把書看新參風義高前古門生也作萊衣舞只教諧語鬪瀾翻不許驪歌唱酸楚  
酒杯易盡意難窮官鼓瑟瑟漏又終千秋莫忘今宵宴一個山人兩相公

### 哭莊念農太守

八面才無敵三生數忽終大名君世上小傳我胸中鬱鬱匡時略觥觥行己衷神機堪肆應  
圭撮極明聰決獄絃章善均輸管子工迎 鑾四回事借箸一人功心力經營畢榮華頃刻  
空黃堂纔綰綬紫府遽鳴驄學易年非老當官氣正充交情深廿載佳話滿江東愛我詩親  
寫招人饌必豐清光蕭寺月丹葉攝山楓洒翰千章和挑燈一榻同每逢三令節各逞半英  
雄擲笛春聲豔藏花酒浪紅可憐追往事倏忽過春風夢蝶莊周化逢雞謝傅凶公與夫人同夢白雞  
集胸竟以青琴音渺渺逝水去匆匆雨急摧湘芷霜高隕井桐故人零落盡孤殺一衰翁  
西年辛

### 哭潘宇情

安仁愁裏過年光纔領河陽便天亡老子生來居苦縣召公到處有甘棠花方得氣偏經雨  
雪已禁寒可耐霜破屋孤兒存幾個一枝瓊樹又凋傷公次子相繼而沒

### 哭陸甥涓君

抱汝孩提看汝婚悠悠三十五年春病因傳代醫無效姊夫康仲亦以療卒詩已名家筆有神半世撫  
孤成底事他時送舅望何人憑棺忍聽輪流哭稚子孀妻白髮親

### 聞梁瑤峯少宰解督學之任就按粵東寄詩奉懷

海角文星去江東士子嗟莫驚廷尉問且看嶺南花沙檢金纔出霜消月更華 天心寬小

過早晚 聖恩加

記得高軒過秋風八月清金燈千樹滿玉笋一班迎未極登臨興先

增搖落情何時鷓鴣侶重續女蘿盟公到日正園中有多士之宴公門下土也有為兩家議婚者故及之

九月六日送相公起程路上奉呈十首

恩在江南四十年山光水色盡纏綿行期偏近重陽日剛趁黃花晚節天 冠蓋依依送

石城相公謙甚下車行長亭望斷旌旗影相對惟聞歎息聲 四次甘棠手自栽韶光如

水暗中催尙存幾個蟠蟠叟曾見公來第一回 先生微笑出江關先別蒼生後攝山真

個精神似秋月去時還照水雲間 曾寫青山入奏章曾開池水待 君王從今儘把經

營意付與閒人話夕陽 光景留連兩日中弓刀小隊去匆匆只因染遍軍民淚楓未經

霜已半紅 渡江時節正題糕兩岸秋風送晚潮恰似栖霞情未斷最高峯影尙相招

小艇追隨笑語親揚州明月二分新歐蘇遺跡平山在如此師生有幾人 此去秦郵

有所思當年曾此薦袁絲而今同唱驪歌過腸斷蘆花似雪時公昔薦枚高郵牧部議不果 絳紗回

首最消魂半世因緣半世恩且喜身閒堪遠送燈前還有幾黃昏

送相公渡淮尙未拜別而入騶忽駕遣使者來辭舟追不及愴然有作

畫戟飄霜去莫追先生辭我我能知爲憐終有分襟日不忍重看下拜時秋水連天含睇遠

孤雲離月獨歸遲短篷細雨清江路白盡彭宣兩鬢絲

錫山兩賢吏歌

錫山之水如錫明錫山之官如水清一賢如此已難得況復兩賢濟濟齊其名我飲惠山水

人歌兩賢美一爲吳季札一爲韓宣子吳公未見情何篤先惠甘泉四十斛韓公見我拉我

遊一船酒載青山頭山頭十月朔風爽紅葉千林足幽賞六龍纔過御香留雲漱水瑟琮瑋

響三人相聚情不禁談落霜花一寸深舟中看我揮手別岸上始聞鶻唱音我聞拄笏看山  
非俗吏便覺西來有爽氣又聞前有召父後杜母兩人未必同時友於今兩仙鳥飛來集一  
邦左琴既彈右瑟應玉簫纔畢金鐘撞還來合浦珠成對種出甘棠樹必雙郝子廉吳隱之  
當時都以飲水知我今逢兩賢亦願置一詞安得公等落落布置天下滿勿使廉泉讓水處  
處長相思

雨過湖州

州以湖名聽已涼況兼城郭雨中望人家門戶多臨水兒女生涯總是桑打槩正逢紅葉好  
尋春自笑白頭狂明霞碧浪從容問五十年來得未嘗

竹墩訪沈永之同年不值其尊人留飲家釀惠方響一方

桑柘成陰處芸香舊世家沿村無異姓繞屋有奇花窗外玉蘭 高三丈御筆金泥冷藏書玉册斜

桃源兼錦里別自貯仙霞 題鳳雖無主儒林見丈人當年曾拜謁此日倍精神話聽三

朝舊春開一甕新石交風義重清響贈麩賓 烟波如此好底事出山忙想爲家貧仕兼

酬海內望官登二千石婚到第三郎三公子合 卷有期代作焚香禱旌旗近故鄉 仙源難久住

回艇板橋西霜葉堆篷滿溪雲壓櫓低小留愁日短重訪怕花迷暮雨南潯宿聲聲凍雀啼

到淮感故人寥落歸舟口號

當時丁令威千年化鶴歸山川城郭今猶昔雞犬人民都已非我離長淮十一載重來絕少  
晨星在酉州馬過屋猶存金谷花開春不再晚甘園中水石新當時主者營爲墳蕙江桂宦  
堂中萬卷書于今寂寂他人居魚門程家諸郎俱長大紛羅酒漿邀我過各驚容貌類先人

不忍杯盤當舊座山陽玉笛聽不休銅狄摩挲我欲愁那知浮世光陰改只說前生夢裏遊  
淮風蕭蕭催我行淮水悠悠傷我情我亦不知再來否將欲登舟又回首

常州月夜與劉繩菴相公話舊作

宮門作別九年寬握手蘭陵夜已闌上相位尊風義重華堂燈暖月光寒朝中盛業憑人說  
袖裏新詩索我看姚宋經綸燕許筆一時雙取古來難 江湖廊廟兩相憐回首長安意  
惘然召試彤廷同弱冠追陪詞館僅三年鶴書尚在徵車朽馬齒雖輕白髮先不覺纏綿情  
話久出城鐘動曉霜天

冬日寄懷望山公

去年此際雪花飛正是傳箋聽馬蹄金谷酒招香案客霓裳人舞畫堂西隨身文史同商榷  
到處羹湯教品題公命將羣官膳今日龍門看不見九重天遠五雲低 長安消息最關

情傳說光榮壓九卿白面郎君登少宰青宮 帝子喚先生公總領上書房 園依上苑春  
應早殿領文華品更清未識門牆人似海紀 恩詩好是誰賡

到蘇州孀女出見喪服將終而年纔十九傷懷口號

漠漠風寒錦瑟絃飄飄髮髮尙垂肩傷心三載成孀女還是人家未嫁年

十一月十三日韋疇五副戎率公子虎邱餞別遣歌者張郎送歸白下別後却寄

平生蹤跡等浮鷗半世河梁在虎邱誰泊燈船來置酒姓韋人又領蘇州 夜色溪光兩  
寂寥山門同步可憐宵千人石作瓊瑤色坐久還疑雪欲消 膝下郎君玉雪清丹山久

聽鳳雛聲今朝省識青雲器羊祜金環耳尙明公子耳有環 難得張星結伴歸霜篷同泛月

明時江心還似尊前坐萬點烟波笛一枝

師健尙書最忝宿眷來主武闈而枚還杭州不獲一見寄詩道歎

仰止心雖切瞻依願屢違春風江上至遊子故鄉歸北望雙旌遠南征一雁飛遙知明月色  
空照釣魚磯

尙書和詩

白下逢君日金貂願已違吳江開墅僻太華抱雲歸對酒月相照揮毫花亂飛數年不一  
見搔首望漁磯

過杭州貢院作

風簷官燭舊時遊彈指人間四十秋燒尾魚行三萬里龍門重過尙低頭

題凌香坪中吳雜記

五載臯橋字萬行雲階月地苦平章左思賴有吳都賦不負繁華夢一場 竹林人散管  
絃停向秀重來淚欲零月夜橫塘花似雪笛聲孤坐酒樓聽 鴻泥回首昔年緣我亦金

閫屢放船底事酒旗歌扇地不曾逢著杜樊川

袞

裁縫合歡被宛轉可憐宵與汝真無負多年不早朝

枕

鴻寶書何在游仙曲已闌只求無好夢轉覺醒時安

几



烏皮形兀兀南郭隱騰騰世上諸朋友誰如君可憑

席

青蒲涼自好赤日始相求容汝終宵卷應知世上秋

帚

驅塵君子意愛好主人情掃到落花雪呼僮下手輕

箸

笑君攫取忙送入他人口一世酸鹹中能知味也否

老住

老住空山歲月更閒思物理最分明青苔避日葵爭日同領春風各性情

小倉山房詩集卷十九終

錢唐袁枚子才

正月八日雪

曉起羣籟低有物當簷壓知是新春雪來補去年臘果然纖塵無一白天地合空花萬重墮  
羣玉兩山夾更喜牆垣無高下樓臺雜羣窗皆玻璃風拒景仍納山沉亭立空寺隱燈表塔  
沙鳴冰溜和竹拜松枝答只恐斜陽來銀海去狎恰急披鶴氅衣麻鞋滿山踏 踏此兜  
羅綿傾跌無不可行則仙雲招仆亦瓊瑤裹離離珠彈冠豔豔花沒踝高枝屈復低右榦拗  
而左凍雀噤欲暗深溝填且頗可惜柴門關天加白玉鎖清絕竟無客孤行惟有我老梅情  
不禁衝寒香一朵

周曼亭屋後得泉索詩

曼亭子鬻茅作堂穆穆而居槃散行汲意不知所如一解筮卦得蒙曰山下出泉在屋後不  
在屋前二解五剽之土如芬以脈蹄通之維掘之潺潺果然臣之所居廉讓之間三解石兮  
磷磷花兮灼灼竹兮猗猗柳兮嫋嫋環泉而居罔不咸若四解飲此水者心和體輕生女美  
好男聰明上池讓其甘瑤池輸其清呼桑欽道元陸羽來補圖來著經五解鄰人許由手持  
一瓢盍往觀乎二里而遙戲語曼亭子天之所生非汝所獨吾家袁隗為南陽守命酈縣某  
月送甘谷水四十解六解

曼亭畫牽衣圖送兒出門又索詩

垂老別兒人情可知兒行次且牽父之衣一解父曰嗟予子行役稻粱之謀豈不爾思勢不

可留吾不能負劍辟咤踰閭而語又不能如影逐形步步隨汝二解乃染我筆寫牽衣狀乃擊我缶聽而翁唱願江水湯湯兒行無恙尙慎旃哉有白髮倚門而望三解不必陟帖而開卷見父不必趨庭而如聞叮嚀登思子之臺兮何月色之皚皚兮讀庭誥之文兮甯若此之清且真兮四解

太守沈硯圃有雙松甚古予乞其一而謝以詩

黃山之松黃堂舞終日松濤亂官鼓先生本抱歲寒心對此益增毛髮古山人一見驚且誇稽首拜乞嘉樹嘉先生贈松如贈劍留其干將賜莫邪一盆昇至滿庭綠瘦蛟崛強蒼龍伏頗似當年我挂冠帶得紅塵入幽谷滿山梅竹避下風嫌渠曾受大夫封我獨摩頂戒剪伐當作甘棠憶召公

惆悵詞二月二十八日作有序

周氏姬待年女也畜養吳門爲友人索贈去已而不安於室仍以見還則有身矣爲賦惆悵詞四章仍歸友人

無計奈花何匆匆細馬馱珠纔還合浦笛又送回波草色長亭雨鶯聲子夜歌關心小楊柳生就受風多東君太游戲一笑送春來那料蘼蕪草先含荳蔻胎留仙裙宛轉解珮月徘徊到底樓羅歷前生註幾回記否碧城坊盈盈步畫堂分箋教認字剪鬢待成妝蘭槩三江月蓮燈五夜霜今宵成底事只剩縷金箱一姬一箱老去江淹筆飛花繞不休尋春頻入夢行樂轉生愁落葉隨風去垂楊逐水流二姓平生惆悵事強半在蘇州

記得

記得當年侍絳帷春風楊柳共依依一生不肯離花住半醉常教踏月歸東閣酒痕衣上在  
西園燈影夢中違如何白首傳經客不及金堂燕子飛

故人劉魯原起官甘肅以乘風破浪圖屬題

西涼地勢青天上萬里長風沙作浪劉侯將往索題圖我未揮毫先惆悵憶昔長安聽雨眠  
彼此金鞍美少年卷中鬚鬢何曾有燈下杯盤尙宛然揮手一爲別蒼茫事難說大海幾回  
波落花萬重雪君拖墨綬領橫塘予亦尋春返故鄉同談往事燒紅燭代發仙符捉鳳皇見事  
曲引鳳此時面目圖中好誰知人向圖中老誤入桃源走逆風船篷吹墮烟帆倒捲浪重來氣  
轉雄昆明劫後此心空半生披髮橫磨劍竟挂崆峒第一峰男兒愛聽甘涼曲全家飽啖黃  
羊肉會看西域起班超那羨南朝有宗慤三十年來一故人陽關不唱已沾巾況今眞個陽  
關去爭使歌成不斷魂

賀熊滌齋先生重宴瓊林詩

東風吹老大羅天鴈塔題名六十年聽說瓊林傳盛事一杯春酒待神仙 晝錦堂前笑

口開自鑄金字上牙牌關心入座榮封貴爭及三朝進士佳 蒲輪擬向帝城行銅狄摩

挲眼倍青扶杖曲江風裏立開元說與後生聽 半披半曳舊宮袍回首鈞天夢已遙一

個貞元老朝士杏花相見也魂消 小劫華嚴事渺茫一場春夢比人長宮娥有認先生

者定戴麻姑兩鬢霜 小西湖畔水鱗鱗照影休驚白髮身笑問當年馬蹄疾紅裙看殺

是何人 如此科名有幾公 熙朝人瑞許誰同玉堂銀管三千筆好寫恩榮 國史中

三百霓裳出上林靈光南望白雲深大中丞是年家子寫到名箋笑不禁公長子巡撫浙江

我亦瓊林折一枝卅年未滿鬢先絲他時倘有重來分還乞先生數首詩

題史閣部遺像

有序

像爲蔣心餘太史所藏并其臨危家書都爲一卷書中勸夫人同死託某某慰安太

夫人末云書至此肝腸寸斷

每過梅花嶺思公淚欲零高山空仰止到眼忽丹青勝國衣冠古孤臣鬢髮星宛然文信國  
獨立小朝廷 已斷長淮臂難揮落日戈風雲方慘淡天子正笙歌四鎮調停苦三軍涕

淚多至今圖畫上如盼舊山河

且喜家書在銀鈎字數行淒涼招命婦宛轉託高堂墨

淡知和血篇終說斷腸當時濡筆際光景莫思量

太師留畫像交付得歐公展卷人如

在焚香禮未終江雲千里外心史百年中怕向空堂捲霜天起朔風

送嵇拙修大宗伯入都

尙書將還朝招我遠爲別道是再見難一面千金值我聞茲言悲恨不生羽翼又恐相送時

離愁轉難抑不如賦驪歌遠寄數行墨下言鄙人懷上言君子德如彼車上鈴有聲在公側

我昔罷詞科落魄魄長安街橫山趙夫子向公稱我才公道人亦好非獨其文佳春宵許

移榻秋月同銜杯獎借公卿間掖我登蓬萊贈以雙南金資我走風埃人生出身處沒齒難

忘懷況乃大賢人重疊加栽培知恩心不老報恩身已衰豈徒我身衰公霜亦盈腮當時兩

年少朱顏如嬰孩誰知三十年風輪不停催耿耿前情重茫茫後會乖雪涕向公詢可有來

生來

中天一卿月皎潔紫微旁海內數正人錯落羣生望公爲大宗伯丰采冠巖廊今

將行赴都如鳳升朝陽宰相公家官於漢爲平當節鉞公家物於唐爲贊皇平生以識重自

許非尋常當茲明良會努力賡虞唐玉性既縝栗金心益老蒼末路日以慎晚節日以香賤  
子甘邱壑無能効匡襄但見年穀豐知公調陰陽 平生授經者公家一郎君其時甫七

歲朝夕與我親小字呼熹官翩然獨角麟果然入玉堂高步青天雲聞其好學甚手不離典  
墳古人於文字所重在傳薪我自挂冠來著述窮朝昏於詩兼唐宋於文極漢秦六經多創  
解百氏有討論八十一家中頗樹一幟新惜哉韶光逝傳者無其人未免思公子吾意欲云  
云王筠讀沈賦李漢編韓文庶幾師友事垂輝映千春待渠趨庭時公爲語殷勤

過丹陽船凍不行悶而有作

此風吹水水成石波濤無聲兩槳直天公欺人行不得將船封入水晶域長篙巨斧難摧堅  
鑿之空空如下天千檣柴立萬口唱公無渡河聲接連旣無焦家丸又無蜀井火壺前旣不  
能跋後又不可望見東方一角紅知有朝陽來救我

答望山公見寄

兩年不聽簫韶響千里吹來老鳳聲三十六章珠一串人間天上兩關情 傳聞扈蹕侍

君王手挽強弓射白狼惹得從圍三百騎一齊驚看老平章 勅賜平泉草木新知公

一到倍精神千紅萬紫來如海半是君恩半是春 昇平無事早朝歸定脫朝衫坐釣

磯可覺青山圖畫裏旁邊少個野鷗飛 記否西園夜氣清商量文史坐三更婆娑元老

飄蕭客相對常如兩學生 淮浦依依送別秋高軒臨去怕回頭至今幾點彭宣淚洒向

黃河尙北流 滄桑人事二年中欲說頻教眼欲紅惟有棲霞老松樹平安如舊只思公

柴門久不受人敲今日傳箋馬又驕留著門前馬蹄迹鄰翁看見也魂消

寄梅岑

衰年送少年後會渺雲烟況我升堂客如君幾個賢長河青雀舫細雨菊花天彼此臨歧淚  
痕留絳帳邊 開眼無餘子甘心師老夫鳳皇毛自異才子貌尤都立雪瓊枝映看花鳩  
杖扶六年談笑處佳話滿江湖 別來勤學否落筆有千秋白髮高堂望蒼生我輩憂宮  
花待誰插闌苑及春遊莫負相期意人間第一流 苟令香才遠蕭樓迹已陳門關流水  
響苔鎖落花春每過頻回首相思倍愴神幾生修得到天性少情人

秋懷

西風吹我作衰翁瓦上清霜鬢上同惆悵空階看落葉樓臺一半夕陽中 落日空山何  
處行猢猻贈與一枝藤平生不說維摩法爲覓黃花去訪僧 荷葉披披剩半塘自尋紅  
樹步斜陽誰知垂柳風流性轉比高梧耐得霜

客至

看山終日踏雲立忽聞竹外叩門急手整衣冠出見賓鞋底還粘幾黃葉 厭聽人詢得  
子無些些小事莫關渠道遙公有兒孫累未必雲煙得自如

除夕讀蔣苕生編修詩卽做其體奉題三首

除夕袁子歌不止聲如爆竹震人耳老親驚疑小妻視案上一編蔣太史問我胡爲愛若此  
我道其詩竟莫比白虹一道當空起千流萬轉仍繞指走入先生輔頰裏片片蓮花開舌底  
其大難摹幻難擬天之蒼蒼海 瀾瀾前有蛟龍後虎兕長繩三丈走若矢縱得七尋橫九趾  
倒拔鯨牙曳牛尾五十三參智慧理七十四變女媧體都來供給管城使遇小敵怯大敵喜



四海才人鼓聲死先生大笑吾戲耳眼前拈來說便是非杜非韓亦非李卿胡愕眙不敢睨  
可惜老夫年衰矣旗鼓相當類有泚但嗟奇才世有幾如仲達按孔明壘長安公卿半委靡  
不解鈞天聽宮徵許其掉頭歸田里鍾山脚下寄妻子與余相交情妮妮果然四海習鑿齒  
自信當如丁敬禮轉笑當時陳無已渾身只拍西江水願讀千遍書千紙明日元辰大利市  
心香供奉從隗始 仰天但見有日月搖筆便知無古今宣尼果然用韶樂未必數衍笙

鏞音俗儒磴磴界唐宋未入華胥先作夢先生有意喚醒之矯枉張弓力太重滄溟數子見  
即嗔新城一翁頭更痛我道不如掩其朝代名姓只論詩能合吾意吾取之優孟果能歌白  
雪滄浪童子皆吾師否則三百篇中嚼蠟者聖人雖取吾不知吁嗟乎昆崙太華山自高終  
日孤踞殊寂寥其下瀟湘武夷亦足供遊遨 高君年少眼光好能以纏牽律詩老卷中  
丹書如蠶眠抉摘瑕疵存異寶曹瞞困周郎爲少節制師歐公畏後生正恐某在斯高君已  
獻潢汙芹賤子更進藟蕘言勸君莫愛惜欲表孤花先剪葉勸君須愛惜千餅黃金一點墨  
西施亂頭粗服故自佳何不豫飾嚴妝更增色泥沙雜下夸黃河何如大海無塵但見珊瑚  
木難萬怪相惶惑俎豆終須刻苦爭至味還從蘊釀得君不見太清之中一微滓世間竟有  
離婁子又不見戟叉弓刀弄畢十八門不如老僧寸鐵能殺人

愁

白髮悄無語青山忽自低愁來如有路慣在夕陽西

相逢行贈徐椒林

酒杯愛共荆軻把唾壺慣招處仲打徐公三十恥讀書原是長安殺人者殺人何處敢橫行

白日青天紫禁城，輕生如作暫時別。放歸不感金吾情，金吾邏騎欺少年。書券逼取青樓錢，公聞命召某某至。一重門入一重閉，彘肩在盆酒在尊。老拳如椎八十斤，請擇於斯一任君。鼠子佻佻驚且奔，讐服三日聲猶吞。君不見徐次子報仇，甘爲呂母死。又不見徐元直被髮，聖面曾作賊家風。如此傳雄豪，可肯毛錐換寶刀。千金贈與狡童馬，趙四一麾出看廬江濤。廬江高城風蕩蕩，排衙權作千夫長。朝編史論挾風霜，暮品丹青寄蕭爽。湖海元龍氣已降，旁人猶惱次公狂。公乃笑吃吃，替人惜眼光。空看周處當官日，不見朱雲年少場。握手秦淮交，肺腑僧房小。住聽鐘鼓腦後偷，將鐵彈看燈前戲。拔蛇矛舞強予，踏濕遊倡家。蠹蠹新樓大道斜，一片香心消不得。滿山代種幽蘭花，蒙惠春關于本吁嗟乎相逢遲，相識早。世上英雄原不少，袁絲袁絲可惜老。

二月十六日蘇州信來道孀女病危余買舟往視至丹陽聞訃

哭壻纔揩眼未乾，又教哭女淚闌干。半年合卺三生了，千里呼爺一面難。獨活草生原命薄，未亡人去轉心安。只憐白髮無兒叟，再喪文姬影更單。廿歲成孀四載餘，輕塵短夢萬緣虛。登樓無復迎翁笑，理篋空存寄母書。雙槳歸遲猶懊惱，九原永訣竟何如。從今齊女門前路，一慟長回墨子車。

路上憶園中梅花

今年春色費相思，小別梅花看女兒。一路月明風定處，輸他寒雀占高枝。曲檻疎籬小苑東，花應深惜主人翁。萬重香雪連雲起，爭不開窗坐上風。

再哭芷亭方伯

方伯葬後盜發冢取衾絞含珠其家適負官課未償山陰令獲盜卽以其贓充抵宿草青青久失羣佳城鬱鬱聽傳聞摸金竟有曹瞞尉上表誰修卞壺墳底事長眠偏覺曉想眞九死不忘 君玉魚銀鴈輸官庫還策尸臣未了勳

謝茗生校定拙集

自愛詩如百煉金多君辛苦賜神針姓名敢作千秋想得失先安一寸心天上月高花照影海邊絃絕水知音如何六代江山大夢裏空存二鳥吟

茗生夢贈予詩有三春花鳥部陳述六代江山兩寓公之句

永公子竹巖吳門花燭詩

公子三春打槳忙秦樓甥館在橫塘遙知一路簫聲好先有紅雲護女牀 靈簫墨會本

天親空谷寒山正好春珍重玉臺雙管筆吳宮花草待詩人 鏡檻珠簾十二重畫眉分

得讀書功海棠紅雨醉藤雪人在濃香淺夢中 金字書銜玉篆牌三公門第五雲開幸

虧郎有天人貌多少吳孃看堵來 丹青曾寫兩雲鬟紅袖添香共倚闌今日月宮眞個

到嫦娥不是畫中看 紅豆同吟未一年香車小別水如煙南來倘有文鱗便寄我房中

曲一篇

題嵇公子皇華册後

我昔適館尙書家公子學語纔牙牙時拋竹馬來聽講強翽先生代折花我今來飲尙書酒公子捧檄滇南走一家珠玉詠皇華萬里風雲生馬首相逢不覺兩相驚一句寒暄隔一生回頭夢裏徵前事脫口燈前喚小名尙書服闋 天家召公子行將還六詔一個留侯門下人臥起商山成獨笑磨墨題詩意惘然祝君指日作南遷者番一別儂衰矣此後難禁二十

年

畫

處處種幽蘭朝朝對牡丹主人未足自畫一花看

題畫蒲萄應硯圃太守命即以送行

廣文吳君筆墨超不畫苜蓿畫蒲萄太守得之興更豪命我題句加寵褒我乍展觀葉尙搖  
嘆此神技渠獨操厥草惟天厥木喬高者龍牽雲外飄低者貉縮烟中條歛者墮者紛相遭  
勢或小斷影忽交弱蔓莖蟠瘦蛟艾藍染碧垂絲絲露之湛湛風騷騷大珠小珠天上拋  
金丸萬點眼欲燒疑坐華林朱雀橋百七十株歌椒聊又疑張騫大宛逃手持奇樹來相招  
權火初升井挈臯誰知妙腕揮銀毫筆花怒生東海潮墨濃作果淡作梢只可落紙生烟颺  
無能登盤供老饕恰如虎鬚繫且牢松鼠欲偷空目勞嚴霜驚風影不凋奚須暮景愁邊撩  
太守俸滿將入朝請攜此幅馳丹青長途眼飽慰寂寥長安贈客當瓊瑤君不見孟佗一斛  
遺巨貂涼州頃刻麾旌旄

六月望日蔣侍御用庵龔司馬雲若永竹巖鐵崖兩公子聽琴隨園得渡字

良友如青琴知音最難遇有友復有琴芳辰忍虛度當暑陳金尊羣仙來玉步泠泠七絃希  
落落五星聚通風撤重簾置席傍高樹曲外時聞鶯酒中微墜露忽然殷輕雷疎雨洒薄暮  
天知客欲遊爲涼花間路月出藕香斂波明山影渡

次日集公子瞻園觀藏鈎之戲待龔司馬不至與蔣御史用庵陳處士古漁伍理問敬

堂嚴茂才憩堂分得下字

瞻園公子儒林亞門第金張詩鮑謝堂高九仞召長風飲集八仙消短夜初將印篆考琳琅  
雀籙雞碑堆滿架繼將藁飢訓官廚不許酸鹹略假借脫略苛禮去冠巾圓几團圍圍水榭  
新荷媚客送花香古樹爭天穿石罅想緣賓主氣如春竟使天公忘作夏東臺御史帶詩來  
北郭先生遣人迓嚴助神交欣始接伍舉班荆來更乍可惜龔舍學蜘蛛不降江州司馬駕  
方敲銅鉢擘詩箋突出幻人弄杯罇祕戲堂前傀儡陳高談舌底銀河瀉五十餘鈎高映藏  
千二百驍玉女詫睽睽萬目躍鷓鴣簇簇交兵鬪甘蔗仙老盤空取酒回書生籠重將鵝卸  
非關技巧愛尙張直爲文心通變化挂角羚羊理可參龍魚有路知誰跨昨君飲我今飲君  
晉文如繼齊桓霸莫愁勝會傳江城但恐洛陽高紙價海內騷壇有幾人努力兩郎君足下

寶刀歌爲雲若司馬作

雲若司馬真英豪磨墨捉我題寶刀此刀不許俗筆寫也須筆健如刀者拔鞘相夸風滿庭  
將拔未拔刀先鳴電光熒熒射窗冷芙蓉飄飄上手輕伸則鏗然屈則轉從古英雄善舒卷  
海上長鯨見汝愁月中丹桂爲誰短精鐵鎔成歷幾年孟勞身分壓龍泉可磨巴漢三江水  
可走哥舒萬里天摩挲擬叩金環問吾戴吾頭不敢近今年六月如秋涼疑是刀來照此方  
吁嗟乎神農藥堯舜法一半生人一半殺不如君家此物知恩仇不報仇時繞指柔

對菊睡去

白髮雙趺坐黃花四面圍夢爲蝴蝶去猶繞冷香飛

贈蔣用庵侍御五十韻

侍御以揚州聽請事罷官  
制府高公聘修南巡盛典

南巡修盛典東觀聘名流豈料烟霞客相知三十秋班荆方促膝感舊轉回頭往日雲龍逐

長安鐘鼓樓僕裁簪筆笏君未脫巾韞似玉葭初倚非膠漆竟投芳花飛滿齒祿飾炫輕裘

藩邸招枚乘儒林愛阮修梁園乘馬出陳榻剪燈留魯酒同斟酌吳歌各唱酬清談兼晉魏

高論極商周說士甘於肉今陳司馬長卿劉少宗伯映榆昔公所薦士也攀花笑作籌露臺人坐月竹塢雨鳴鳩漏

盡僮先睡賓歸帳未收兩回送行客佳句滿皇州婚寫金蓮燭官夸白板侯情深雲宛轉語

妙玉雕錢賤子淹西陝先生拜 冕旒蓬池追後步柏府控前騶合口椒非毒知時鐵最優

聲華推鮑謝汲引重韓歐天上文星動黔中使者遊珊瑚歸密網瘴嶺入清謳前歲京江過

逢公宅母憂長河齊解纜舊雨喜聯舟山好期同泊風催不自由誰知雙槩別忽報一官休

誤跨揚州鶴驚騎即墨牛陳湯雖句貸毛伯敢徵求罪薄 君恩重名高衆口咻未曾歌得

寶枉自嘆包羞繫帶終朝褫龍華小劫周長沙來賈誼史局仗班彪大府供儲侍鴻文廣輯

搜省方周頌載封禪漢廷諷古奧三盤似高華二典侔勞甯妨嘯詠暇可訪林邱有子堪堂

構隨翁共拍浮鍾山原姓蔣江表且依劉戲劉陸堂水館涼先得溪橋笛最幽食經崔浩著詩律

老元偷治公善治具善久已忘三黜從何詠四愁松牕聽鼓瑟薇署看藏鈎不改憐才性頻爲推轂謀

謂古漁故人能有幾宿疾可全瘳老樹花應密新秋雨太稠銀河烟漠漠身世事悠悠安石終

當起斯言信我不

秦碣泉學士見和前韻再倡四十二韻奉贈碣泉

萬樹秋風裏千行珠玉飄貞元老朝士長慶好歌謠肯把軒轅律來賡羸女簫華星編作字

翠羽織成綃角可羚羊掛神如獅子超長吟心欲折感舊夢相撩昔作吳公尹曾將賈誼招

才原夸鸞鷲賦每愛鷓鴣魯國諸生隊秦淮明月宵有花皆宴會無酒不攀邀燕寢燒紅燭

康郎唱綠么學士舊贈有忘是將軍門下分箋同擊鉢奪錦各藏標楷法銀鈎劃刀痕玉篆

雕至今諸手迹猶自寶山椒儂乞文園病君揚冀北鑣一聲雷拔地雙翮塞盤鵬斫桂方磨

斧投壺竟得驍百花頭上立匹馬殿前驕漢策占廷對唐詩重早朝青宮召疏廣丹禁走韋

昭禮樂三雍擅文章六律調不言溫室樹敢負侍中貂斑管西清筆牙璋東海輶名經千佛

選驛路八閩遙網得珠盈篋鏘鳴玉在腰祥金方躍冶雛鳳更凌霄同拜堯階日齊聽舜樂

韶談遷真父子壞頽兩宮僚闔闔將飛入雲天忽首搖高堂八旬近烏鳥寸心焦乞養辭

明主歸裝趁早潮潘輿扶宛轉蜀纈舞飄飄露柳啼鶯夕風梧散葉朝青溪新蠟屐蓬海舊

山樵學士號蓬萊山樵訪我來花塢穿雲到板橋廿年如水逝一見倍魂消喜說門生貴驚看老鬢

凋古歡情耿耿野步竹蕭蕭坐久談詩細山深引興饒懽呼采蓮子苦勸置烟船掃徑難忘

蔣謂用庵閒情愛和陶陽春聞郢客焚研學君苗難得琴相賞何妨戰屢挑投瓜如肯報引領

盼瓊瑤

自我入山深一椽少人借可奈避風雲偷宿茅簷下

題高南澗哭筠兒詩後筠兒姓薛吳下人貌美能吟有上馬不知身落後

非關子晉愛吹笙花底原難活一生聽詠游仙傷往事櫻桃紅似小星明 曾熏龍腦護

朝衣曾走邯鄲馬似飛半路落花風裏別長安同去不同歸 一編香墨剩遺珠舞雪回

風妙有餘絕好齊梁詩弟子不教來事沈尙書

題葉花南庶子空山獨立小影

先生畫一叟獨立空山中自言不類我恰是花南翁花南自有貌明妃自有容秦鏡尙難描  
畫者何能工聊取丹青意寫我蒼莽骨六經三千年人人相搜窮誰能絕依傍精思與聖通  
此叟獨不然立言開屯蒙物高影自孤人高境自空有時仕於朝獨擊虞廷鐘有時使於外  
獨揚先王風今乃 予告歸立教教江東所佩必芳草所撫必喬松題像獨命我不肯交凡  
庸我亦自立者愛獨不愛同含笑看泰華請各立一峰

九月十一日夜

鶴閣避燈上樹匿霜葉驚風走窗入人聲睡盡漏點明秋色將歸蟲語急五十初衰一老翁  
月中照影空庭立

和何南園閏七夕詩即以其姓爲韻

今年最是牛郎好七夕佳期兩度過烏鵲橋填原有路銀河秋老更無波也知天上情難了  
未免人間巧太多我爲雙星慶遭際比尋常會覺如何

頌眼鏡

三年之中忽喇忽  
頌傷老之速也

老眼忽還童雙睛出匣中春冰初照影秋月已當空細字黃昏得孤花薄霧融今生留盼處  
敢不與君同

十月九日席武山別駕招同蔣用庵侍御姚雲岫觀察沈研圃太守高廟賞菊得秋字  
洞庭席使君招我蕭寺遊其時十月霜萬木風颼颼高花忘是菊低屋疑是舟入屋花齊眉  
攀花屋打頭同來看花者半是東陵侯無官人自淡有酒山更幽異哉種菊僧力與天公侔  
層樓五雲起四時花不休坐中愛菊人各各向僧求我意殊不然屬僧爲我留待至赤日夏



求取黃花秋薰風吹隱者花中有巢由晚香偏早聞豈不高一籌僧意以爲然衆贈獨我不歸途塔燈明月華如水流

答李氏兩郎見寄燿一名燿一名燿

三秋別雛鳳一夕得瑤章詩學如斯好身材幾許長問年纔典謁開口即宮商不信風騷運

隆隆起北方衰年傳道急後起得人難抱此千秋業今朝一笑看瓣香君問訊老淚我

闌干來詩有閉戶著書今幾許莫忘門風好遺文獨序韓

哭王介社介社名禮常熟入長於歌行有梅村風格爲人權記室卒

管輅原知天黔婁可奈貧遠遊非得已客死太酸辛貌寢難兼福才高轉累身瀟湘一江水

從古弔騷人

題朱南湖觀察學稼圖

作官須作大司農作家須作積穀翁養民養身原一事世間達者惟朱公先生再仕心再化轉漕東南更學稼開府見公檠戟前開卷見公松樹下遠山蒼蒼吠澹平童子五六嬉春行先生高坐頻指點烟裏叱牛如有聲自言家本山陰住未曾弱冠爲官去敢把三農忘故鄉常將一飯思來處我與公交三十年知公種得好心田有兒肯構堪終畝有歲常豐可信天前年被逮長安道鐵鎖銀鐺公不惱有如飛電過良苗轉使疾風知勁草從此行行總順帆好風好雨住江南一言我恰低聲問官味何如穀味甘

仲冬二十九日高制府招陪蔣侍御西園觀劇即席賦謝兼懷望山相公

風靜三江繡纛高鶴書蒙把野人招堂無漏鼓鐘能報九上兩座有笙歌酒易消一個詞臣

談典禮侍御修南 千秋法物認瓊瑤出貢玉命 更頒甘旨教遺母勝捧仙雲下九霄 取

來詩扇席間看十四年前墨未乾舊物尙存驚我老愛才如此嘆公難想開東閣人何遠忍  
醉西園歲又闌一樣銜恩兩條淚不禁振觸到眉端

### 答人問隨園

想送隨園到汝前商量圖畫與吟箋畫來不若吟來好元九曾夸白樂天 北門橋轉水

田西路少行人鳥漸啼遙望竹雲遮半嶺此中樓閣有高低 四圍有樹總無鄰孤塔臨

風獨倚門最是一株銀杏古參天似表此山尊 卍字長廊接綺寮繞廊流水影迢迢遊

人知住杭州客湖上雙堤又六橋 夫容楊柳種千行半拂溪流半繞塘爲有池蓮開並

蒂水中亭子學鴛鴦 澄碧泉清足浣紗相公題作小棲霞怪峯壓屋似堆浪銜著幾叢

丹桂花 廿三間屋最玲瓏恰好梅開坐上風霧閣雲牕隨步轉至今人不識西東 插架琳瑯萬

五色玻璃耀眼鮮盤龍明鏡置牆邊每從水盡山窮處返照重開一洞天 一房纔畢一房生鎮日房

卷餘商盤周鼎鎮相於時時縹帶琮瑋響風意如夸有異書 綠淨軒中草色含水晶域外露華酣忽

中屈曲行窗外風聲簾外雨主人只是不分明 紅雪嶼山四季紅不開花日與開同方知天下春歸

然四面空青色第二重天號蔚藍 此外經營力不支儘將隙地變荷池有時瀑布空堂走臥著匡牀

處都在先生此屋中 溪流南去板橋分不住幽人只住雲六角松亭半山望丹青一幅李將軍

理釣絲 烟波深處置輕航掠水穿雲意自將憑著春風吹上下料應流不到他鄉 戲點春營挂

樹梢萬重星斗盪烟濤魚龍出沒金銀海那覺當頭碧月高 闌鶴疎籬手自栽更添鹿

碧傍西齋亭臺不厭十回改畢竟文章老更佳  
息天心非草草安排此處老袁安

送用庵歸毘陵

自君來金陵累我增僕夫數日不相見便欲呼肩輿自我來君所累君苛庖廚一味不適口  
主人先叫呼金陵大都會君來修官書赫赫宮傳駕雙雙仙令鳧鬢宮生徒秀梨園子弟都  
爭先博君歡置酒爲君娛僉曰先生賓其惟隨園歟隨園與先生蛩蛩附駟驢彈琴先置瑟  
擊鼓方吹竽迎君必我召招我君必俱其旁有老叟乾笑大軒渠道此兩人者風裁亦頗殊  
其一高篋亢究究而居居其一太邱廣行潦納潢汙胡爲投漆膠不肯離斯須我今送君行  
歌詩慰長途豈徒寫耿耿借此明區區我性愛華妙不甚喜書迂人生隙駒耳何苦自囚拘  
君善修容儀玉佩而瓊琚家貧潤其屋人瘁澤其車皮屐必得所製袍必光軀啖我如主孟  
好我如田蘇片時得膝促十日猶心愉安能禁雙趺不向君門趨我性愛文章刻苦窮錙銖  
甘人刺要害苦人獻浮譽君能勒瓠提犀照分瑕瑜有賞必搔癢有攻必彈疽自是君律細  
非關我心虛安能獨嘖嘖不共君唱喁況溯締交始實惟乾隆初君頭始任冠我頤未有鬚  
虞山相公家鎮日常相於吾家狹廬中絳帷時厝需長安一爲別芳訊沉雙魚其間偶相逢  
半面仍驅驅今年大因緣風吹聚一隅豈非蒼蒼天念此兩人孤與以今年密使補往年疎  
邊撿增晚景墜歡償春餘一日當一年猶恐難消除如何無多日君又歌驪駒道已畢正臘  
千金買須臾豈不欲濡滯未免思妻孥我老畏聞別淚落如連珠三十年爲世此義本先儒  
人生有幾世君其知也無前別已然矣後則能禁乎痛定而思痛石人應歎歎今夕復何夕

愛將樓閣自家看每上山巔獨倚闌嘆

小室圍金鑪照窗驚積雪照雪驚頭顱明知君不飲姑勸盡此壺離腸兼老懷不醉難模糊

續詩品三十二首 有序

余愛司空表聖詩品而惜其祇標妙境未寫苦心爲若干首續之陸士龍云雖隨手之妙良難以詞論要所能言者盡於是耳

崇意

虞舜教夔曰詩言志胡今之人多辭寡意意似主人辭如奴婢主弱奴強呼之不至穿貫無繩散錢委地開千枝花一本所繫

精思

疾行善步兩不能全暴長之物其亡忽焉文不加點興到語耳孔明天才思十反矣惟思之精屈曲超邁人居屋中我來天外

博習

萬卷山積一篇吟或詩之與書有情無情鐘鼓非樂捨之何鳴易牙善烹先羞百姓不從糟粕安得精英曰不關學終非正聲

相題

古人詩易門戶獨開今人詩難羣題紛來專習一家礮礮小哉宜善相之多師爲佳地殊景光人各身分天女量衣不差尺寸

選材

用一僻典如請生客如何選材而可不擇古香時豔各有攸宜所宜之中且爭毫釐錦非不

佳不可爲帽金貂滿堂狗來必笑

用筆

思苦而晦絲不成繩書多而壅膏乃滅燈焚香再拜筆一枝星月驅使華嶽奔馳能剛能柔忽斂忽縱筆豈能然惟吾所用

理氣

吹氣不同油然浩然要其盤旋總在筆先湯湯來潮縷縷騰烟有餘於物物自浮焉如其客氣再猛必顛無萬里風莫乘海船

布格

造屋先畫點兵先派詩雖百家各有疆界我用何格如盤走丸橫斜超縱不出於盤消息機關按之甚細一律未調八風掃地

擇韻

醬百二甕帝豈盡甘韻八千字人何亂探次韻自繫疊韻無味鬪險貪多偶然游戲勿瓦缶撞而銅山鳴食雞取跖烹魚去丁

尙識

學如弓弩才如箭鏃識以領之方能中鵠善學邯鄲莫失故步善求仙方不爲藥誤我有神燈獨照獨知不取亦取雖師勿師

振采

明珠非白精金非黃美人當前爛如朝陽雖抱仙骨亦由嚴妝匪沐胡潔非熏胡香西施蓬

髮終竟不臧若非華羽曷別鳳皇

結響

金先於石餘響較多竹不如肉爲其音和詩本樂章按節當歌將斷必續如往復過簫來天  
霜琴生海波三日繞梁我思韓娥

取逕

揉直使曲疊單使複山愛武夷爲遊不足擾擾闐闐紛紛人行一覽而竟倦心齊生幽逕蠶  
叢是誰開創千秋過者猶祀其像

知難

趙括小兒兵乃易用充國晚年愈加遲重問所由然知與不知知味難食知脉難醫如此千  
秋萬手齊抗談何容易著墨紙上

葆真

貌有不足敷粉施朱才有不足徵典求書古人文章俱非得已僞笑佯哀吾其優矣畫美無  
寵繪蘭無香揆厥所由君形者亡

安雅

雖真不雅庸奴叱咤悖矣曾規野哉孔罵君子不然芳花當齒言必先王左圖右史沈夸徵  
栗劉怯題糕想見古人射古爲招

空行

鐘厚必啞耳塞必聾萬古不壞其惟虛空詩人之筆列子之風離之愈遠即之彌工儀神黜

貌借西搖東不階尺木斯名應龍

固存

酒薄易酸棟撓易動固而存之骨欲其重視民不佻沉沉爲王八十萬人九鼎始扛重而能  
行乘百斛舟重而不行猴騎土牛

辨微

是新非纖是淡非枯是樸非拙是健非羸急宜判分毫釐千里勿混淄澠勿眩朱紫戒之戒  
之賢智之過老手頽唐才人膽大

澄滓

描詩者多作詩者少其故云何渣滓不掃糟去酒清肉去洎饋甯可不吟不可附會大官筵  
饌何必橫陳老生常談嚼蠟難聞

齋心

詩如鼓琴聲聲見心心爲人籟誠中形外我心清妥語無烟火我心纏綿讀者泣然禪偈非  
佛理障非儒心之孔嘉其言藹如

矜嚴

貴人舉止咳唾生風優曇花開半刻而終我飲仙露何必千鍾寸鐵殺人甯非英雄博極而  
約淡蘊於濃若徒舉糝非浮邱翁

藏拙

晝羸宵縮天不兩隆如何弱手好彎強弓因謔徐言因跛緩步善藏其拙巧乃益露右師取

敗敵必當王霍王無短是以無長

神悟

鳥啼花落皆與神通人不能悟付之飄風惟我詩人衆妙扶智但見性情不著文字宣尼偶過童歌滄浪聞之欣然示我周行

即景

混元運物流而不住迎之未來攬之已去詩如化工即景成趣逝者如斯有新無故因物賦形隨影換步彼膠柱者將朝認暮

勇改

千招不來倉猝忽至十年矜寵一朝捐棄人貴知足惟學不然人功不竭天巧不傳知一重非進一重境亦有生金一鑄而定

著我

不學古人法無一可竟似古人何處著我字字古有言言古無吐故吸新其庶幾乎孟學孔子孔學周公三人文章頗不相同

戒偏

抱杜尊韓託足權門苦守陶韋貧賤驕人偏則成魔分唐界宋霹靂一聲鄒魯不闕江海雖大豈無瀟湘突厦自幽亦須廟堂

割忍

葉多花蔽詞多語費割之爲佳非忍不濟驪龍選珠顆顆明麗深夜九淵一取萬棄知熟必



避知生必避入人意中出人頭地

求友

游山先問參禪貴印閉門自高吾斯未信聖求童蒙而況於我低棋偶然一著頗可臨池正  
領倚鏡裝花笑倩旁人是耶非耶

拔萃

同鏘玉珮獨姣宋朝同歌茗花獨美孟姚拔乎其萃神理超超布帛菽粟終遜瓊瑤折楊皇  
華敢望鈞韶請披采衣飛入丹霄

滅迹

織錦有迹豈曰蕙娘脩月無痕乃號吳剛白傅改詩不留一字今讀其詩平平無異意深詞  
淺思苦言甘寥寥千年此妙誰探

若思苦言甘寢寒千集須效備經

鐵波音鐵豈曰黨歸清日法與代楚吳國自研乃結不雷一幸今補其指不平兼與

無極

草輝望險隨備楚采五銀入雲

同歸正無斷妙未障回烟古華開美

外卷

餘荷難更請矣清絕人氣取表瀟

瀟山尖開參陽直日閑門自高吾

小倉山房詩集卷二十終

三大病匹如三世已輪迴 已去重來萬念差及時行樂可遲耶身原過客天留我物且  
同春雪當花金鴨爐多環几席水仙香冷撲窗紗陳情表共閒居賦買斷山中老歲華

哭阿忻 有序

乾隆元年寡姊攜二甥來歸長阿登次阿忻幼了了先君子心急抱孫命做陽亢  
宗司空表聖故事今任戴冠矣余尙無子而忻性跳盪擊篋弄翰亦有花竹癖余得  
明中山王更衣故宅亭石幽邃下臨秦淮命忻奉母以居秋八月與阿登同病痞余  
往兩摩其頂則兄重而弟輕也亡何余亦瘡綿悒幾絕昏懵耳屬有呼而急走者曰  
陸家大郎瘞小郎死矣嗚呼數之難知也如此余不獲視殮聞爲臧獲所愚楫桴脆  
薄幾難藉幹悲姊之憑欄望子淚與河深作哭阿忻詩二章

廿年枉種一枝蘭事竟成殤影又單望子臺空慈母瘦讀書燈斷小山寒憐余未盡三號禮  
累汝曾無七寸棺憶著司空同諫議古人難學淚空彈 非關騎折玉龍腰耳冷空聞子

晉簫簾內落花飄旅櫬水邊橫笛自春潮新聯姻婭人何在 定婦東 海徐氏 太愛風流樹易凋想是  
將爺來喚舅鄧攸此福也難消

八月十九日病至除夕猶未理髮不飲酒不茹葷雪窗獨坐

髮蕭蕭春寂寂明年只有一燈隔病餘身壞似秋蕉壁罅風來如刺客憶昔兒時黷阿母子  
鵝殘炙屠蘇酒明珠綴蠟鳳凰來又脚騎燈竹馬走於今扶母升高堂兒獨清齋學太常思  
遣門生議蛆蟹又恐消食無檳榔隣家爆竹聲紛紛徹宵驚破空山雲梅花橫窗作微笑笑  
我不似新年人年新年舊吾不知磨墨一螺筆一枝莫管三萬六千日且了三十九年詩

喜終養文書部覆已到

一紙陳情奉板輿 九重恩許賦閒居  
身依堂上衰年母 日補人間未讀書  
花竹千行環子舍 牙籤四面繞吾廬  
此中便了幽人局 門外浮雲萬事虛

午倦

讀書生午倦 一枕曲肱斜  
忘却將窗掩 渾身是落花

題畫白頭翁

誰畫白頭翁 一笑不如鳥  
生來自白頭 無人嫌汝老

一枕曲肱斜忘却將窗掩渾身是落花  
讀書生午倦一枕曲肱斜忘却將窗掩渾身是落花  
題畫白頭翁一笑不如鳥生來自白頭無人嫌汝老  
誰畫白頭翁一笑不如鳥生來自白頭無人嫌汝老

吳同池

讀書生午倦一枕曲肱斜忘却將窗掩渾身是落花  
題畫白頭翁一笑不如鳥生來自白頭無人嫌汝老  
誰畫白頭翁一笑不如鳥生來自白頭無人嫌汝老

小倉山房詩集卷十終

讀書生午倦一枕曲肱斜忘却將窗掩渾身是落花  
題畫白頭翁一笑不如鳥生來自白頭無人嫌汝老  
誰畫白頭翁一笑不如鳥生來自白頭無人嫌汝老

錢唐袁枚子才

聞樹齋侍郎領威遠大將軍印鎮守北路寄詩奉懷

侍郎持節鎮樓蘭都護新開幕府寬我輩尙將儒者待朝廷久當重臣看瞻來福相三軍喜  
傳出華年九塞讜立馬天山莫回首望鄉臺恐在雲端侍郎年三十想見趨庭話別離相公

有淚敢輕垂從來効力沙場日即是承懽膝下時充國行軍甯慎重班超見事勿稽遲祇今  
絕域皆州郡說與呼韓知不知 通家有客感離羣一障乘邊信屢聞麟閣行看君上畫

燕山應待我銘勳新詩勅勒軍中曲舊夢橫塘水上雲偷奪焉支好顏色江南兒女要平分

侍郎和

羨煞香披九畹蘭謫仙到處水雲寬隨緣且自紅塵住厭俗頻將白眼看爲子買春渾得  
計以山作壽好承歡何如迢遞天涯客獨抱愁思渺萬端 阻隔關山悵遠離苦吟無

那首低垂行蹤碌碌緣何事後會茫茫更幾時萬里寄書真不易三年學步莫嫌遲邇來  
情景憑誰告縱使通家未得知 身如旅鴈少同羣消息親朋杳不聞敢望功名追定

遠每因風骨憶司勳飄零舊雨疎新雨遮莫江雲恨塞雲漫向胭脂山悵悵儘多相思與  
君分

夜坐

夜坐西牕雨一齋眼前物理苦難猜燭光業已猛如火偏有飛蛾陣陣來 鬪鼠窺梁蝠  
蝠驚衰年猶是讀書聲可憐忘却雙眸暗只說年來燭不明

郊外過故人墓

郊外作清明垂鞭隴上行故人如白雪入土總無聲

戊子榜發日作一詩寄戊午座主鄧遜齋先生

九月十一日戊子秋榜懸門外車馬走徹夜聲喧闐羣官一簾撤諸生萬頸延得者眉欲舞  
失者淚湧泉恐此得失懷賢聖難免焉我今五十三登榜三十年翰林曾一入花縣曾九遷  
挂冠廿載餘萬念付雲烟惟逢榜發夕猶心動不眠棘院一聲鼓神魂與周旋並非望子弟  
胡爲情牽連祇緣少也賤歷嘗考試艱四上不中雋自信幾不堅未知今生世與榜可有緣  
於今痛久定思痛輒隱然苦記戊午歲待榜居幽燕夜宿倪公家今黃江昏黑奔躑躑道逢  
報捷者驚喜如雷顛疑誤復疑夢此意堪悲憐觥鄧夫子兩日秋光鮮書我到榜上拔我  
出重淵敢云文章力文章有何權敢云時命佳時命誰究宣父母愛兒子不能道兒賢惟師  
薦弟子暗中使升天豈非師恩德還在父母前吾師在何處渺渺五雲邊見榜疑見師感觸  
涕漣漣有如駿馬老重對孫陽鞭又如燒尾魚重過龍門巔此恩此日酬陸莊慙荒田此恩  
異日酬兩鬢驚華顛不如歌一曲聊寫心拳拳無由侍絳帷且憑鴻鴈傳

同年王白齋司寇典試江南晤後有作

文星聽說下丹霄手把藜光照六朝一代金蘭曾共譜卅年雲海竟分鑣秋官氣肅冰壺朗

桂子香深絳帳飄知道鹿鳴歌罷後定來招隱訪漁樵

無人不誦主司賢有客前談公

少年棘院雨沾雙屐溼蓬山花探一枝鮮乙卯同入闈苦雨後十年而公探花

倚來玉樹葭居後飲到雞壇酒

占先此日八騶齊小住聽人情話晚雲天

答望山相公見懷

新詩讀罷儼鈞韶逸響隨風嶺外飄底事千年吹不斷人間天上兩枝簫 絢春園費幾

平章老去看花興倍長料得手栽非小草舜葱堯韭禹餘糧 江隄楊柳太風流苦吳東

君憶不休為道年來免攀折縱無風雨也低頭 偶過棲霞十月中樓臺非復舊時同老

僧識我還迎我閒立斜陽問相公 甘棠人去樹難堪舊雨零星只二三聽說黃扉猶悵

望白頭人唱問江南 白齋司寇道公  
作問江南曲

落日

落日金盤大遙山未敢吞松根明細草天外表孤村似寫衰年意頻驚旅客魂今宵新月好

未必便黃昏

新月

新月出天上長眉畫水中未能全夜白已覺衆星空扶上非關樹吹偏似有風與誰最相識

含睇曲欄東

秋雨

秋雨太零星秋山不復青荒江雙槳泊孤館一燈聽落葉聲相雜涼蟬語乍停衰年當此夕

宜醉不宜醒

春風

春風如貴客一到便繁華來掃千山雪歸留萬國花有情羅幔捲無力紙鳶斜慣送梅消息

孤山處士家

揚州留別四妹

相逢莫怪倍纏綿不到揚州已四年兄鬢定教驚眼白妹賢依舊舉家傳書齋一榻呼僮婦  
酒客連宵替我延且喜公然作姑姥手扶新婦拜簾前 赴宴朝朝沉醉歸累君相待夜  
眠遲已沉玉漏聽炊粥重剔銀燈乞改詩半刻偷閒談往事一聲說別問來期風寒日短吾  
衰甚此後行蹤江水知

拔齒

人生一小天齒動如地動初焉頭岑岑繼之神洵洵斜侵兩顴顛旁攪雙耳重爭長佯出頭  
攔道強阻衆一人旣向隅滿座爲之恫一個旣負矢羣鹿紛然鬩欺我老顛頷在家不食俸  
憎我傾軫談酸鹹多譏諷故使病聲牙舉箸如鑿空烝食哀家梨驚看鬼目糲五漿五饋愁  
三嚼三咤痛我乃取箸筮遇夫變之訟曰確乎可拔勿爲造物弄骨肉旣已乖甘苦何必共  
周公誅管蔡季友除共仲早鋤當門蘭莫倚將傾棟果然楚鉗加去之如決壅噉汁免舌橋  
反脣得家術形殘神始王姦黜賢乃用口戕口旣除嚼復嚼益縱羣齒大欣然含笑一齊送

補齒

一齒旣拔除窪然存一坎勢凹穉稗集百貨無不攬雖然寔能容奈其自視欲有客獻奇計  
道齒去最慘譬如列陣排隊缺衆始撼我能假後天截玉爲君嵌就齷齪闊狹伴齧殊斬斬  
縛以冰蠶絲試以五和糝齶伯見不疑齶妻笑且頷亡何對食盤口柔自阿匱盧播爲大纒  
欲取先喪膽魚羊稱小邦亦復不聞噴有如螟蛉兒一氣終難感又如異姓王虎視終耽耽  
外強班雖齊內懦色已駭客道子胡然宜喜不宜憾世上利齒兒虛名孰可噉原非佐咀嚼



只可遮觀覽試問齷然露道僞夫誰敢

題畫

萬里驚風浪拍天桅竿易斷纜難牽是誰獨立高峯上搖手人家莫放船

十月四日揚州吳魯齋明府招同王夢樓侍講蔣春農舍人金樛亭進士遊平山卽席

有作

魯齋明府今何遜高才管領揚州郡十月招人郭外遊風懷想見冷如秋一舟艤向惠因寺  
滿目天涯名士至分明此會似當年風景雖同人事異紅橋轉出水盈盈楓葉全丹柳半青  
金粉微銷存舊色龍華小劫動深情憶昔平山山最小狐兔荒墳雜秋草六龍兩度作宸  
遊邱壑經營終未好權使雄心欲見才回山倒海起樓臺仙宮偷得鈞天樣赤手擎將閬苑  
來開門爛用水衡錢繪影傳圖不計年已把平沙成峻嶺更將斥鹵變流泉果然人力能移  
地始信湖山不屬天 鑾輿一過仙香在士女嬉遊紛似海酒氣烝爲十里雲燈光散作諸  
天彩一個監司盧大夫短身古貌白髭鬚手握牢盆能養士算清禺筴便刊書海內詩人半  
貧者一時屬至推風雅爭學彭宣拜後堂甘爲夫差作前馬夷門大會捧珠槃從此紅橋酒  
不乾自道歐蘇眞再世三賢祠內屢憑欄旗亭雪滿新裁曲上巳風和共采蘭二分明月笙  
歌易一片憐才意思難功成身退稱知足誰道危機有倚伏度支册上紊王章例竟門前來  
鬼朴 聖朝不忍下歐刀盤水輦纓恩已渥潘岳閒居竟不終褚淵高壽眞非福一夕清霜  
萬瓦瓢巢傾卵覆不終朝窟營轉覺馮驩拙金散方知疏廣高今朝酒客還盈座曾受恩人  
有幾個量錯方聞東市行羊曇偏向西州過嘆息滄桑自古同河山如夢酒壚空主人也是

多情者清淚齊彈渡口風

李郎歌

郎名桂官將往  
甘肅作歌送之

我聞李郎名十年去年吳下纔交言今年李郎來見訪握手方知郎果賢李郎色藝梨園中  
李郎行事梨園外不爲李郎歌一篇那知大有傳人在郎家舊住闔閭城折取天香作小名  
擷笛不吹銀字管歌曆時帶讀書聲受聘南州季姓家纏頭教舞玉鴉又隻屢偶停遊子足  
三春羞殺此邦花鏡中自惜紅顏好西施不肯西溪老直走長安隸太常萬人如海知音早  
上公樂部正需人選入仙班寵賜頻燕棲金屋難輕出花傍高樓易得春偶然城外笙歌集  
天上人來地上立分得星眸一寸光頓增酒面千燈色秋帆舍人二十餘玉立長身未有鬚  
把盞喚郎郎不起怒曳郎裾問所以郎言儂果博君歡寸意丹心密裏傳底事當場爲戲虐  
竟作招搖過市看一言從此定心交孤館寒燈伴寂寥爲界烏絲教習字爲熏宮錦替焚椒  
延醫秤水春風冷噓背分涼夜月高但願登科居上上敢辭禮佛拜朝朝果然臚唱半天中  
人在金鼇第一峰賀客盡攜郎手揖泥箋翻向李家紅若從內助論勳伐合使夫人讓誥封  
溧陽相公閒置酒口稱欲見狀元婦揩眼將花霧裏看白髮荷荷時點首君卿何處最勾留  
畢蔣熊姜當五侯蔣御史用卷熊比  
部庶泉姜明府某四子非爲講德論三生同上一鐘樓郎名此際雖風動  
郎心鎮日如山重一諾從無隔宿期千金只爲多情用嶽嶽高冠士大夫喬松都要女蘿扶  
日中原涉來營賻千里輿駢代送孥豈徒周雅稱將伯直可東京喚八廚笑他兒輩持錢易  
紛紛多作無名費誰肯如郎抱俠腸散盡黃金偏市義再入長安萬事非晨星零落酒徒稀  
惟有狀元官似故鋒車又向隴西飛年華彈指將三十身世蒼茫向誰說誓走天涯覓故人

拚將玉貌當風雪會遲別早我神傷此後相思路阻長偷得令君香再接定傾天耳聽伊涼  
長至前一日熊廉村中丞蔗泉觀察招同蔣心餘太史王田來明經陪侍封公滌齋先

生小西湖夜宴

畫錦堂開北海尊尊前兩代白頭人八州作督仍爲子五鼎娛親更及賓池水影搖冬日煖  
蠟梅花鬪晚香新一陽那待明朝復此夕先看滿座春 洛社高風誰繼者多公雅志欲

追尋盤無海錯存真味座有瓊篔奏雅音 蔗泉觀察首唱一詩三主三賓鄉飲禮一邱一壑故園心謝

公指日東山起轉惹閒鷗思不禁

哭阿良

三女性柔嘉名之曰阿良年纔五歲餘識字二千強每日清晨起抱書來爺堂授以唐人詩  
脫口中宮商爲之小講解口唯頭低昂人或譽聰明掉頭謙未遑與妹尤賓賓翱翔兩鴈行  
賜一栗半梨不肯先承筐牙牙呼妹來舉齒一齊相偶弄小鱗燧千日猶在箱待妹弄者失  
轉以己物償女奴或欺凌涕泣聲啞噎爺爲答女奴含淚勸停榜須臾握餅餌依舊許奴嘗  
乳不戀姑姆周睟甘餵餽食不索珍怪粗糲皆引吭受教如影響趨善如風檣朝來何所戲  
持筆塗丹黃暮來何所爲剪紙作衣裳雖不中矩度亦頗具偏旁春秋大祭祀五鼓先嚴妝  
學作男子拜拱立東西廂達官長者來出見無柘張都驚貌類爺誤認好兒郎方姪年四旬  
無出自感傷兒能解其意投懷喚阿娘恩憐過所生步步相扶將爺好治書齋古玩堆琳琅  
兒偶遊其中啞然道勝常一坐不肯起看爺治文章聞爺患齒痛手自進糖霜知爺夜未歸  
臥猶盼燈光豈獨性慈孝兼且態端莊瞳神如點漆頰角亦正方僉云長成後其福未可量

我雖老無子得汝愁竟忘扶愛汝手軟嗅愛汝體香非徒垂暮年借汝娛心腸兼冀他日死  
仗汝得埋葬何圖兩日間一病中膏肓駟馬不及追鐵室不能防曇花忽然落小劫成滄桑  
彩雲杳然散那待炊黃梁大母八十四兩手抱兒僵求醫更求佛鼻涕一尺長民母招兒魂  
登屋如病狂聲呼良歸哀音崩垣牆生母孕六月恨極以頭搶存者道如此來者尙何望  
爺讀萬卷書不解一藥方忝然作人父搏頰自懲創蒼頭來頓足鄰嫗來憑牀都欲勸婉婉  
先自淚汪汪前日天雨雪堅冰滿池塘戲縛作銅鉦招汝敲琅琅今冰猶宛然汝身先消亡  
前年梁少宰爲雛鳳求凰我道太顯貴門戶敢相當今來作方伯汝又避何鄉昨日竹馬走  
今日小棺藏昨宵舞蹈處今宵涕淚場有汝何喧闐虛室生吉祥無汝何闐寂頃刻成僧房  
我怕聞哭聲但願早聾盲朝出猶自可夜歸魂俵俵人生到此際五內生刀鉞明知大夢中  
何者爲彭殤其如情所鍾未能學蒙莊或汝悔女身棄瓦欲換璋故且入輪回再沐三桃湯  
可騎舊胎來金環猶未涼嗚呼然不然仰視天蒼蒼

苔

各有心情在隨渠愛煖涼青苔問紅葉何物是斜陽

楊花

楊花與雪花一樣無心緒不管是何家隨風但吹去

相留行爲苕生作

金陵城六十里容不住一個苕生子苕生疎俊人一縱如脫鞵衆人欲留之籊籊爲口柔我  
乃下筆不能休 皇帝甲戌年我遊揚州惠因祠壁上詩數行烟墨蒙灰絲掃塵讀罷踊三

百喜與此人生同時尾書莒生二字已剝蝕其他姓氏爵里難考如殘碑袖詩走出廣問訊  
脣乾舌燥無人知滌齋太史張飲間提莒生名喜破顏道是我鄉西江一才子姓蔣名士銓  
意氣炯介秋霜鮮筆如牛弩摩青天善哉瞿所一物耳恰是心餘定甫莒生名字有萬千我  
訪莒生急如火誰料莒生早知我長安寄書來錦字重重裹從此琅函來木札去飛遞烟雲  
不知數俄聞宴瓊林俄聞登玉堂果然我識青雲人逢人指眼自誇張終竟我爲石戶農君  
依 玉帝旁相隔兩塵許不知君貌之肥瘠與君身之短長椒山仙人降靈異灰盤大書擘  
窠字勸莒生早歸不歸肯將至莒生驚疑下庭再拜問歸所曰白門三重關竹籬穿不完此  
中居之安大才藏槃槃莒生諾而起投袂具行李海中三山目不回視全艙書半艙米一母  
一妻三兒子新亭直上疾如矢老夫嘻嘻迎倒屣握手無他言君家蔣山相待已久矣君家  
一庭月我家一壺酒彼此間何闊欣然二五偶我因君而律嚴君因我而吟苦交易作嚴師  
相期各千古方恨不能構屋共君居鑿壁窺公狀徒看君乘山陰舟一年一別心惆悵胡爲  
乎不戀此間樂忽作西歸想韓憑云河大水深風淫淫也而君將安往周諺云大武遠宅不  
涉而君將安訪不如鍾山下奉花輿可以甯太夫人之起居十廟前聽雞鳴可以助雛鳳之  
清聲公子知廉能詩君忖度之留可肯我更爲君引例請君不記某年冬至前五日汗出如漿妖夢  
中被人薦作遮須王頃刻絳旗羽節迎乃公阿嬾苦留不得計泣拜北斗聲翁翁公然奪出  
亢父懷留在世界海吹散鬼妾鬼馬如飄風鬱單天子近情尙如此何況朋友一氣相通  
我詩雖不工較之佛經神咒將毋同君心雖不甯比之閻羅包老或有情以此留莒生莒生  
行不行

謝徐雨亭貽山轎

一兩山車賜野人勝他九錫捧朱輪橫陳尙帶烟霞氣敷坐剛容老瘦身惹我心常思五嶽仗君遊且趁三春八騶何處傳呼響可許花間步後塵

題茗生黻佩圖

昔聞祝牧歌今覩黻佩像誰能爲此圖兩賢屹相向其一茗生公禳禳神采王雖披一品衣仙骨仍倜儻其一張安人莊嚴菩薩相雖秉婉嬾姿志在青雲上其旁字萬行絕節發高唱如史遷自序如列女書狀當作護身雲環肩生墨浪覽像我已欽讀詩心更仰人生伉儷和然後家業朞其如嘉偶希兩美難頡頏金釵雖千羣錦衾雖百兩苟無佳人佳依舊曠夫曠多公才莫嬾妒公福莫量可以學劉綱雙雙朝蓬閣可以學冀缺媿媿相饁餉我畫隨園圖將公石上放覺有此人容雲山纔跌宕我見龐公妻敢拜不敢望嘆息天人姿畫手非予誑古有奚契丹能畫相與將丹青雖自高富貴非余尙不如此圖佳願借作屏幃子子孫孫看夫夫婦婦樣

紫雲曲爲霞川明府作

海棠一樹紫雲低公子多情照眼迷我是將軍肯開閣憐他妖冶謝征西紅雪軒中對玉人定情何物最消魂一雙淺色金條脫解下檀奴臂尙溫曾記香山放鶴詩的應勝在白家時臨歧替拭雙行淚好事三生杜牧之戴上新妝卸故妝司空也斷九迴腸不知他日雙飛燕可記盧家舊畫梁

齒疾半年偶覽唐人小說有作

耳中騎馬兜元國齒內排衙活玉窠老去一身如渡海五官無處不風波

嘲柳

漫說多情楊柳枝替人別後管相思看他帶雨貪眠意壓損桃花尙不知

三月二十四日又生一女

五旬翁五年三夢投三瓦如迎鄉飲賓三壽作朋者幸而阿良亡窶帚少一把不禁心惘然  
獨坐口侈哆明知齒就衰望子臺可捨何圖姬有身故意來相惹欣欣鳳將雛嚙嚙鐘又啞  
湯餅黯無色賀客詞亦寡頗聞金石文蜀中王子雅無兒有女三一妹兩阿姐出錢五百萬  
葬父平林下慰情良勝無陶公言是也人生天地間祥金常躍冶徐登女化雄任谷男變姪  
無物堪認真有子何妨假權封雌亭侯高策壻鄉馬文裝妹喜冠武縛木蘭跨抱看滿園花  
一笑吾其且

南山有古樹

南山有古樹童叟森海上一任風聲上下吹不隨草色東西向憶自月宮栽幾時移爲南國  
甘棠枝棟梁自笑不中用斧斤未許樵夫知秋風蕭蕭月七八青草吹黃黃草殺朝聞五柞  
漢宮傾暮說三花瑤島拔此樹偏教歲月長目閱滄桑心慘怛白馬甜榴孰與羣將軍一坐  
便傳聞偶有旌旗照顏色從無依傍立孤根一朝甘棠留召公去萬目睜睜看此樹不慮心  
空螻蟻生祗愁才大文章露誰知此樹方槎桲角弓賦成色更嘉要知秋霜不能悴請看春  
日何曾花

偶作三絕句

小橋偶閒步一笑對斜陽高樹少低影冷花多久香  
駭浪難驚魚疾風不拔草人愁石  
季龍我道海鷗鳥  
曾服嘉榮草聞雷頗不驚百花三月半一手指天生

梅雨潺潺苦太多雨停其奈暑來何秋風盼到雖然好又送流年一半過

香亭年逾強仕纔生一兒從南陽寄信來云將嗣我喜賦却寄

家書未拆我先狂使者喧傳汝弄璋仙果遲生真桂子桂花探釀趁河陽物希那便分嘉種

珠好何妨照兩房慚愧吹填先八日啞啞一瓦又登牀兒生四日琴堂湯餅會華筵老我

難來勸列仙眉目可能如汝好笑啼應已惹人憐芸香此日三千卷麥飯他年百六天不覺

登時到心上祝兒長大望兒賢

贈江甯方伯梁瑤峯先生

江左雲仙降瞻園改姓梁承恩來北闕帶雪別瀟湘舊日衡文處南朝選士場兒童多識

認旌旆更飄揚夜不燃官燭箴堪勒太倉度支無長物燕寢有清霜藹藹春雲色溫溫旭日

光偷閒愛金石索借到山莊烏篆商丁父銅盤周穆王傳神真宛肖落墨倍淋漓置驛通賓

客聆音半故鄉排居愁屋滿分俸苦錢荒芍藥紅初放池蓮葉正芳詩人招沈宋辛田記室

聚姚張六一先生座三千弟子行張燈分爨錦待月共傳觴問字穿花出題襟倚樹商平泉

遊不厭東閣事方長賤子叨趨侍私心暗慨慷一杯當水石卅載感滄桑憶昔園初到朱顏

鬢未蒼中丞漢魏相國諱定詞客晉袁羊勸醉飛千蓋徵歌鬪百章樓臺無此好蘭菊比今香

解脫銅符去依稀鴻爪忘西秦行惘惘東洛返茫茫宮傳來持節司空繼握璋高託兩迎



鬢重起閣避雨更添廊均喜麻鞋入高談鎮日狂  
臆樵看結構絲竹聽鏗鏘惆悵龍門改蕭條  
馬廐涼黃鸝空識我白眼但窺牆官舍原如故  
雲烟那有常每拖小垂手愁過大功坊地  
轉文昌運天從我輩望百花頭上客八座紫微  
郎暫領中山府權開綠野堂風花爭舞蹈竹  
木盡軒昂願緩丹青駕多栽南國棠梧桐方  
寂寞未免戀鸞凰

檢阿良書箱得所識字箋淒然有作

阿娘剪紙阿爺書幾度辛勤膝下趨左氏嬌兒  
亡織素右軍殘帖剩官奴依稀連璫聲雖杳  
狼藉塗鴉墨尙濡當作冥錢燒與汝在誰家裏  
識之無

有誤傳予避人歸杭州者賦詩曉之

海內爭來問釣磯買山人采故山薇風高只說  
雲應返樹靜誰知鳥正飛小住隨緣都覺好  
虛舟涉世本忘機無端裊觸還鄉夢惹我心歸  
身未歸

香亭信來聞予爲逐客戲寄一首

白下蹉跎二十霜正愁無計整歸裝果然逐客  
眞吾福如此西湖在故鄉

喜晤陶篁村

有序

壬申過良鄉和篁村題壁詩徧訪不知何許人  
後十餘年勞觀察宗發來云渠宰此邦同制府  
方公見此詩而愛之禁止店主坊去今又隔六  
年矣在梁方伯席上晤篁村方知蕭山人也  
姓陶名元藻告以故陶感知己恩而悲勞方兩  
公之已亡重賦二詩附錄於後

當日相思村店壁今朝相見菊花天  
同生此世原非偶聽說前緣各惆  
然有數才人天地內

無端良會水雲邊也虧彼此吟懷健耐得人間十七年

錄篁村感舊作

匹馬曾從燕薊趨橋霜店月已模糊人如曠世星難聚詩有同聲德未孤自笑長吟忘歲

序翻勞相訪徧江湖袁作有江湖沿路訪斯人之句故云秦淮河上敦槃會應識今吾即故吾 三間老

屋夕陽邨底事高軒過此門飛蓋翠搖新蘸墨華鐙紅照舊題痕不教塲畫傭奴易便勝

紗籠佛殿尊惆悵憐才青眼客幾番剪紙爲招魂

寄賽英大妹

一鴈南飛信屢通幾行珠字到山中相期荆樹成連理同訂青溪作寓公孝綽最夸諸妹好

班昭原有阿兄風不知十六年來別可認飄蕭白髮翁 遠寄雙箋絕妙詞揮毫想在夜

妝時侍兒爭捧三升墨夫婿權爲一字師朝與雲仙聯雅會妹率諸姬爲小星之會暮凭銀鹿弄佳兒

全家福慧誰如汝月落階庭有所思

西安觀察沈永之誤聞余得風痹以狼巴膏見寄戲答一詩

風人自合生風病可惜南風還未競白傳風痹過七旬笑我年纔屆知命飛言如雨馳入秦

觀察聞之眉不伸把我平生遙按脈風淫未疾非無因相如好色春滿房子雲刻苦窮文章

身心兩費甯不匱風來空穴誰遮防觀察多情愛朋友欲覓紅霄寄元九聽得狼膏解治風

一時賞遍射生手塞外擒來雙跋胡抽腸去敲投丹爐紅如丹砂膩若酥刀圭一匕千金須

正月十二天醫日敬勸黃歷封題畢蠶眠細字加丁甯服之戒內須如僧紅塵一騎飛如矢

老夫開函笑不止深感眞長秤藥情誤傳海上東坡死且收藥籠心忡忡三年蓄艾將母同

四禪天上我無分列子他年終御風

謝永之賜牯絨四端

蕙帶荷衣鷗鷺羣羽毛重假太殷勤展開錦匣三英粲恰好儂家四美分封寄定煩茗女手  
剪裁猶帶華山雲細旆衣薄君情厚那羨唐宮百鳥裙

費宮人刺虎歌

九殿夔夔鳴戰鼓萬朶花迎一隻虎女兒中有有心人詭說儂家是公主公主姿容世寡雙  
色能伏虎虎心降笑捋虎鬚向虎語洞房請解軍中裝一杯勸一杯沉沉虎竟醉刃此小於  
菟下報先皇帝紅燭千條撒帳光白虹一道衝天氣妾手纖纖軟玉枝事成不成未可知妾  
心耿耿精金煉刺虎還如刺繡時一刀初刺虎猶縱三刀四刀虎不動帶血抽刀啼向天可  
惜大才還小用吁嗟乎城可傾山可平總是區區一點誠君不見滔天狂寇是誰斬霹靂不  
能美人敢

虎口行

入虎穴登虎口吾戴吾頭虎牙走欲嚙不嚙虎不如狗君不見太原守姓邊名大綬一解公  
順天人宰米脂闖賊故鄉公所治欲斬此賊計不得施不知若祖若父作何狀生甯馨兒急  
掘土中屍我欲見之二解壬午正月九日雪花如矢稱妮前行到三峯子二十三墳宰如也  
金椎丁丁啟三解撲面一條驚蛇翔張口呀呀吞日光鬪體青銅聲骨節黃毛長四山妖雲  
毒霧天茫茫四解碎其骨伐其樹腊其蛇平其墓純灰瀦沃雄黃燒馬通熏蕩牛洩澆軍民  
聲如雷指日滅黃巢五解賊姻艾朝棟報賊賊大驚登時一矢貫目晴公還鄉賊入京旁人

勸公逃公曰老母在何能行六解一路哭矣賊來捉矣騎簇簇矣母妻子女齊入獄矣縛公

上馬獻闖王麾下萬目騾騾看掘墳者七解公自念丈夫死耳何悲哀但不知抽腸釘舌千

災五毒如何來八解過獲鹿出固關獐獐闖至黃衣冠一騎牽公上一騎搖手言大王屢敗

眠不安莫遠奏王傷王心肝九解再馳再驅曰至壽陽邏騎十人漸不成行一騎大笑汝何

不亡公乃狂竄轉覺心戰十解打背大呼驚賊追逋回身面之是僧父持鋤想剝衣裾贈之

以敝襦晝伏夜趨百險千虞而反其居十一解扣阿妹門疑阿兄魂抱老母慟母云是夢闖賊

口小哆萬頭一齊墮汝何人斯交臂而過十二解聖朝擢公五馬軒軒梨園演公觀嘆紛紛

富貴壽考子姓如雲公書其事記辛苦我歌為詩告千古但憑天莫畏虎十三解

拂水山莊三首

絳雲樓閣久棲鴉往事蒼涼足嘆嗟九廟冬青無故主半庭紅豆有新花綸扉物望三朝重

生死人間一念差欲問溪邊江令宅斷煙衰草是誰家謝傳何妨挾妓遊但須同樂也

同憂年高豔體行春令官大降書占上頭老婢尚能憐沈約興朝終竟薄楊彪桂林留守高

陽相地下相逢一哭休暮年文筆太頹唐也算昆明劫後霜才盡那禁填小說君多還

要事空王名場公論千秋月海內靈光半畝莊尚論從容當局苦為公惆悵立斜陽

輓宮保方問亭先生

士有千金贈受之不為恩常有一言加感之終其身我於太保公從未接清塵遽聞台星摧

瞿然涕沾巾搗膺有所思焚椒敢一申壬申過保陽縣令逢周君雙堂述公語渠語譽我頗

殷勤道宰秣陵時能撫柔其民匪如文俗吏虔橋徒紛紛我感知己意即欲趨戟轅其時公

巡河無由登龍門厥後歲丁丑公家第三昆持公貯蘭圖命我題數言我乃敬規公樹蘭如樹人果能儲國寶何必數家珍公不以爲僭書來矜寵頻曰諸詩人詩不如隨園新嗚呼我與公一泥而一雲相隔旣已遠相逢未有因何圖受公知極口褒津津政事與文學兩者交推袁如采小草花高風揚其芬如遊部婁間泰山忘其尊公爲范龍圖我爲蘇穎濱終身恨未見曠世情彌殷今夕靈旛歸受弔延諸賓總麻三萬客海內走踈踈公之勳與庸九重有恩綸公之姓與名巍巍碑跌存賤子何復道執紼徒逡巡別焚一瓣香招公騎箕魂

同年沈文愨公輓詞

遭際詩人有如公古未曾鍾期逢 聖主堯舜作吟朋上壽百齡屆高官一品膺青宮太師號身後尙追稱 六十未登第孫宏望已休誰知卅年運纔展九秋桃李春官植湖山予告遊榮華雖一夢含笑對松楸 詩律長城在羣兒莫詆呵梅花香氣淡古瑟雅音多海外求題詠 天章許切磋朝陽鳴鳳去賡唱冷卷阿 三次同年者今存我一人蓬山分載酒紅藥共吟春又見晨星落空餘宿草新越疆難遠弔腸斷素車塵

哭張芸墅司馬

離離孤花明落落晨星曉其存本無多其去更覺少宣州有詩人六十未爲老一朝謝紅塵騎鶴歸華表粵海尙謳歌江山空藻淒絕伯牙琴人亡音未了 甲戌春月好光滿棲霞山照我二人遊崖磴同躋攀分題佛香中折花小長千何圖此一別公乎不復還永訣如此易良會如此難茫茫十六年海水生波瀾惟有襟袖間淋漓墨未乾 我詩重生趣君詩重風格相朝千載後彼此留一席傷我老猶孤蹉跎髮空白喜君公子賢瀛洲作仙客潘

門既生尼曹家復有植自然揚清芬永永傳無極但問楹下書年來若干尺

松下一笑

無端一笑對雲烟記得抽簪最少年松樹長高三十尺種松人尙未華顛

鐘

古寺僧歸佛像傾一鐘高挂夕陽明可憐滿腹宮商頌小扣無人敢作聲

舟

莽莽江天萬里濤一帆纔去一帆招儂家舟繫青溪畔不采蓮花構不搖

阿珍

阿珍十歲髻雙丫又讀詩書又繡花娘自怒嗔爺自笑不知辛苦爲誰家

小倉山房詩集卷二十一 庚寅辛卯

錢唐袁枚子才

高制府據鞍習勦圖二首

牙纛三江靜沙隄匹馬行宮袍春柳色玉鐙曉風聲  
恩重心忘老勞多體覺輕停鞭想何事強半爲蒼生  
郎君裁總角膝下簇金鞍爲國馳驅意教兒仔細看騰風須萬里捧日到雲端從古淩烟閣丹青兩代難

二月二十一日紅杏半開劉養園進士移尊隨園招同定恆禪師魯南莊明府范荔江學博徐雨亭明經分韻得有字

杏花一笑紅破口知有詩人來置酒將賓作主主爲賓世事參差無不有劉安萬里黔陽來不獨愛花兼愛友近攜蕭寺紫衣僧遠覓詩壇陶謝手入山摔闔逞談鋒佳句高吟人某某其日東風吹不休疎蕊繁枝開八九朱簾有影漾仙霞細雨無聲潤碧柳虛此良會心悵悵一客分吟詩一首我向劉安莞爾言主更乞賓賓允否業已飲君酒百壺還想分君才一斗方次耘公子招賞牡丹即席賦謝

郎君才調古終童穉齒能招白髮翁千片霓裳初著雨一枝玉樹正迎風堂因肯構春常早花爲臨池水亦紅嘆息蘇夔真有子老懷傾盡酒杯中  
記得初逢小鳳皇抱來爭及牡丹長風前摩頂渾如昨笛裏懷人又幾霜  
尊人立峯委化四年兩代交情花領略半欄燈影夢悠揚天公也似留賓者鎮日淋浪雨萬行

溫皆山吏部從江右入都過白門話舊

柴門有客髮毵毵小住巾車半日談道對落花行不得故人一個在江南  
重經爲祝嵩呼馬不停三十五年前進士要談天寶與誰聽

岳水軒燒丹圖

盤古忽然死洪荒人一驚不料此例定千年難變更女媧欲救之煉石聲磴磴神農欲救之嘗草口不停伏羲欲救之畫卦欲說不說口咿嚶黃帝聰明靦然笑何必旁門探元妙轉夜作晝豈無燈將人成仙自有道造化未生我此權天所操造化既生我此身天已交君不見防邑已賜臧武仲據之尙且將君要何況自家性與命守之果固誰動搖勿從去處留但從來處取能將後天捨自有先天與水軒先生悟此機行年七十如嬰兒蒲團獨坐燒紫烟白毫光色冲青天龍騰雲而下降虎駕浪以飛驚寓言十七卮言十九道書從古無真詮此義茫茫向誰話口不能宣且付畫畫上題詩誰絕倫黃海神仙方道人黃山人方自  
然年百歲餘我無碧虛骨又無服散方蓬山一小謫人間三十霜作登遐頌懷孔子讀養生論笑嵇康覽君圖覺君好勸君珍祕枕中寶莫將此義被天知恐教十二萬年天不老

左臂痛

兩臂如雙槩無端弱一枝癖從左氏得書與右軍宜嬖妾雖堪擁霜螯難自持平生偏袒處想被汝先知

傅文忠公輓詞

捧日雍容三十年一朝星隕紫薇邊恩雖外戚才原太病爲南征死更賢忍見 聖躬親奠酒更無內相力回天夕陽望斷貂蟬影羽騎黃門盡黯然得夕見者  
惟公一人 少年曾作霍嫖姚



洗甲金川賦早朝銅柱千尋留絕域天章九錫下丹霄百官諾諾陷前立甲第沉沉海樣遙  
如此榮華如此福和平兩字總能消 遲却南蠻奏凱歌竟勞上將走滇河旋軍事類趙充

國曳足人哀馬伏波烟瘴那知公相貴

天威終到鬼方多送公魂入昭忠廟小阮猶提殺

賊戈

謂明忠烈公

下士無端哭上公此身雖賤感恩同談深各倚宮門柳手握難忘玉殿風

白髮半生春夢遠青天一望慶雲空陰鄉侯去黃羊冷腸斷南陽老敬通

公愛誦枚叟勤伯詩一聯云男兒欲報君恩重死到沙塲是善終蓋亦讖也託尹制

府聘爲記室枚不能行感舊懷恩再書一首

身染蠻烟返 帝鄉可知枕席卽沙塲南州穉子身雖隱每弔恩知必越疆

送劉石菴觀察之江右

莽莽山萬重惟嶽凌宇宙蒼蒼樹萬枝惟松挺堅瘦四序雖平分五行有獨秀人胡獨不然  
但觀所秉受觥觥石菴公實應金精宿神羊不受羈祥麟豈有囿其剛玉莫磷其清石可漱  
初聞領丹陽官吏齊縮脰光風吹一年懽戀極老幼先聲將人奪苦志將人救抗上聳強肩  
覆下紆緩袖張口輒詆媿上手多寬宥姦豪旣帖柔狐鼠亦俯伏救災如救焚除弊如除垢  
殷然愛才心白首還如舊視學上下江所拔多薪樵今雖卸臯比羣才猶輻輳顧榮去未幾  
宗泰鮑昭來復又錄之六一先生貧三千弟子富即如山中氓半面尙未覲客秋當此時蜚語羣  
相喉道公遂李斯不許少留逗諸生弔於門山鄰餞恐後我未奉伍符姑且儲糧糗故鄉歸  
亦佳內省終無疚果然逢佞言風影皆訛謬匪徒免鞭驅兼且通蘭臭南國有表章羣儒已  
製就公獨掉頭言必須某結構自慚石鼓頑忽被桐魚叩妄將下里音強擬鈞天奏公竟矜

寵之逢人夸錦繡悵悵知己恩嚶嚶瓣香祝一朝簡 帝心授玉節西走甘棠枝可攀膏雨  
澤難留人人愛依劉聲聲思借寇賤子抱區區一言陳左右送公旌遠行望公德日茂公以  
天人姿而兼宰相胄高如冰鑑懸那有吞舟漏甯可察之詳慎毋發之驟猛如萬鈞弩所貫  
無不透但慮未中節不愁不滿穀已褰賈琮帷可免葉公胄能爲李橫衝何妨伏不鬪氣斂  
理益明業廣福彌厚黃堂雖始基黃扉將肯構祿位奚足矜勛名自可壽豈徒繼家聲兼以  
答我 后

題黃樓春望圖寄懷小坡觀察

十八年來別三秋夢未忘忽從圖畫裏驚見鬢毛蒼莽莽河流急萋萋碧草芳黃樓誰獨立  
使者愛春望舸牒連雲起鷓鴣帶水翔牙旗花外出羽蓋柳邊藏九牧鬢淮泗千崖束呂梁  
孤城明月落古塔晚烟颺豈獨恣憑眺兼知作保障元珪祀河伯聖鐵擲龍堂未雨綢繆極  
將秋火急防樓無唐燕子隄有漢宣房王景瑞流法韋堅轉漕方掉頭時嚶想义手苦裁量  
西楚留遺跡東坡實首創後先名字應彼此令聞彰公夢東坡而國事雙肩任精神八面當  
閒騎小步馬高揚大風章水怪招蒼兕神威走白狼如何觀察多翻累督郵蝗印去仍來匣  
衙辭更引噓浪難搖砥柱天爲掃風霜公以捕蝗事被劾尺素求題詠丹青遠寄將雲藍三  
丈紙黃竹一偏箱未握羲之筆先遮賜也牆官尊圖亦大屋小畫能妨憶逐旌麾後同驅鍾  
阜旁肩輿聲輾轉手板影低昂白社風前笛青溪雨後觴廿年晉甲子兩個魯靈光玉貌都  
非昔滄桑盡改常陶潛兒長大西沈約墓荒涼補嘆逝增惆悵懷人剩老狂山雖容我隱身  
尙學公忙疊石如防險拳菱爲插秧池開非缺子艇泊即風檣養鶴符支俸藏書室號倉芭

蕉彈更茂月桂斫彌香謝尚甘邱壑姚期稱廟廊不知千里目望可見江鄉

知更枕歌爲徐椒林作

一更一更枕中起似有司更藏枕底挈壺失職已千年此枕胡爲尙爾爾相傳製者漢孔明  
法應軍中刁斗聲丞相身亡枕亦去世間愛睡無人聽壽春掘地得瓷器范形似枕光奇異  
隱隱花枝鑄牡丹沉沉綠暈浮兵氣凹處堪容一虎頭兩旁隆起承兜牟想見將軍側耳臥  
蝦蟆萬點傳清秋徐公得之作奇賞我爲摩挲發遐想漢有記里鼓弩父亭公路可數唐有  
知時鐵三商五漏俱堪測趙家別有六更天却轉紅羊事可憐從來神物原無偶得佩龍泉  
恰有緣於今扣枕枕忽啞徐公掉首疑其假我代此枕陳一辭從來語默須知機君不見四  
海清宵夜悄悄銀箭金壺爭報曉枕再多言公亦惱

喜楊九宏度從邛州來卽事有作

一枝梅花開萬里故人至梅花纔隔年故人已隔世憶昔丙辰年京師首善地海內臬俊來  
倚裳而聯襪各抱雲龍懽各樹騷壇幟亡何年復年落落晨星繫公然我二人牛斗雙龍氣  
滄海剩遺珠高松留晚翠黃髮旣已親碧醪甯辭醉新詩同君商舊夢同君記指榻勸君眠  
抱女將君寄以阿能寄君蔗味老彌甘交情久更摯不信捫胸中三十六年事 古有臨邛令

名因相如留君今之相如乃刺古邛州彈琴成雅化餘情付歌謳樂府二十章獨寫千年愁  
亢可義渠激墜可行雲流巴渝讓狄濫吳語輸妖浮豈不關諷戒優也言無郵我偶終一曲  
涕下不可收情至感人深簫韶似此不花欄新雨夜金尊素月秋想見家樂張一串珍珠喉  
樂哉元才子而兼安昌侯 萬木生空山原爲棟梁用君領木魚符來作榘楠貢爲言將

作監遠選天壇竽需材十三丈匠石僉曰難有樹荒崖藏尺度竟已足黃紬一朝封孤根三日哭官乃祭而告萬物本乎天 帝爲天用汝汝尙何訾焉不見麒麟皮剝之蒙天鼓樹聞始收聲甘心受斤斧嗟乎草木心亦復愛其寶何怪成周雞斷尾固爲好 季孫樹六櫃

稿枿藉幹心預凶雖非禮作達良可欽蒙君贈古杉價等千黃金斑斑狸首色鏗鏗金石音杉生萬里外慘淡蟠蒼穹我身七尺強方慮填溝中君爲作合之兩美將毋同木附文冢化我抱奇材終贈食一朝飽贈衣三冬和何如君之贈千年萬年多惻惻感君情朝朝登木歌

蕭松浦中流放棹圖

拙人涉世騎土牛達人涉世乘虛舟舟中有棹且放耳世間何處無中流蕭公峽江人廿載金陵住回首故鄉山愴然頭屢顧欲喚歸舟勢不能且畫一舟放棹行南北東西隨處到身不主持但問棹棹作語聲嘔啞去住本無心搖蕩隨風斜搖入烟中招白鷺蕩來風裏采蘋花有時雷雨掀天大輕輕一葉如雲過海上山崩草不知江頭浪險鷗偏臥我亦烟波一釣徒年年白髮走江湖不愁流出青天外舟上何妨棹并無

哭望山相公六十韻

上界台星落空山老淚流安危天下係知己一生休竟捨蒼黎去誰分 聖主憂 詔書深惋惜恩禮冠公侯四海新祠廟三江舊節樓軍民懸畫像士女咽悲喉賤子蒙青盼垂髫到白頭當時初對策衆口共呀咻獨把金篦刮高懸鐵網收相扶登玉局學步到瀛洲 帝命稱師傅人爭獻東脩臯比南面肅絲竹後堂幽若個非曾點斯文愛子游噓枯情宛轉善誘語綢繆鎮陝姬公遠分符陶令羞誰知搖墨綬依舊傍旂旂淮海才鳴轂江東又挾轉官教

移赤緊表薦牧秦郵見賞龔黃績深期管樂儔南衙風動竹燕寢雨鳴鳩治理同商榷鶯花  
共校讎回天占定力濟物識英猷寬每留餘地虛能集衆謀清標山嶽淵鑑海悠悠鐵牡  
封疆靜銀刀約束周略知窺斗嶽賴得侍巾襜露小難成雨花低易落溝西川公洗甲南國  
我飄漚爲有親需養非關命不猶慈雲三度至手板廿年抽莊子雕陵鵲陶家欄外牛已經  
甘朽鈍重復受雕鏤烟裏來千騎松間過八騶敲門驚野鶴走馬捉閒鷗巖鼓聲初響朱簾  
月在鈎不將珠字寄便把木瓜投籠壁新箋滿挑燈險韻搜牙琴賞宮徵張草鬪龍虬味許  
淄澠辨詩容格律偷偶然三日別定有四更留捲幔夫人見牽衣公子遊棲霞看水石西苑  
折花籌鈴閣麻鞋影軍門白苧裘談深人盡怪坐久夜將極一日天書至三公內召優羹  
須調玉簋箸久夾金甌似識長離別登車尙逗遛逢村先駐馬過嶺必回眸恨恨長淮水淒  
淒哀浦舟寸心輸一送半面抵千秋南北終乖迕鱗鴻不自由人來傳老健信到忽山邱今  
歲東巡狩伊誰扈冕旒驚聞身乞假還望疾能瘳豈料勳千笏都成土一抔于公無憾矣  
問國有人不梅雨涔涔濕山河渺渺愁魯場端木築楚些景差謳立雪心猶在荒莊德未  
酬羊曇腸斷後永不過西州

哭秋卿四妹

看罷瓊花十四年無端荆樹起寒烟分明一個投懷燕化作金棺下碧天妹以婉  
難亡白頭  
夫婿寄哀詞惹我洩瀾淚不支何苦生前太賢淑一家人去兩家悲幾番邗上偶揚舡  
乍入門先笑滿庭兒子稱慈姑道孝一齊夸與舅家聽兒爲前  
室所生久諳食性羹還問纔脫  
衷衣浣已終寒夜歸來一甌粥累君立盡滿廚風謝家詩筆最幽清性喜推敲學更成

偷眼阿兄閒處坐捧箋旁立女門生  
端陽時節手書來為賜華姑小玉釵今日寄聲乾

阿嬾教他持服更持齋  
開眼誰為骨肉親連年手足又傷神先亡自憐老淚無多少

偏作人間後死人

和葑亭舍人司馬相如詩

隱於酒者多隱於色者少我愛馬長卿竟抱文君老當時漢武帝雄心超八表五十四年中  
賢臣何草草豈無人才生日炙星光小一蹶不自知三族已難保汲公終竟危曼倩亦太巧  
悠然消渴人愛病閒居早借賦遣光陰借獵上諫表自有千年名高文典册好

觀奔三首

悟得機關早都緣冷眼清代人危急處更比局中驚  
張步臨奔悔陳宮見事遲分明一

著在未肯告君知  
肯捨原非弱多爭易受傷中間有餘地何必戀邊旁

兒鬢

手製羹湯強我餐略聽風響怪衣單分明兒鬢白如許阿母還當襁褓看

謝怙匡郎中惠紗

盛夏忘衣冠二十三年矣偶然檢故箱絺綌爛如洗縫人笑而言此事非得已會須購方空  
亟亟為經理我道五十翁此事亦可止譬如老娶妻何必再求美檢取長生庫拾舊聊爾爾  
郎中聞之驚遣僕致文綺飄飄翼輕薄薄春冰擬感茲君子心自顧野人體不稱未免慙  
有耀亦可喜君如王宏賢來度陶潛履我作阮孚嘆著屐知有幾衣服服以拜且學古人禮  
贈彭芸楣少詹

野人居深山十事九不理忽聞秋榜發賀者相接趾賀者爲誰歟乃是落第子宜毀而反譽使我心疑揣亟索中雋文摩挲老眼視誠然髦士烝衡鑒清如水解題必鉤元論文輒抉髓浮華掃而空精金不見滓五色間纒繚八音彙宮徵屈指百年來此科能有幾不覺願見公兩足不能已蒙公一笑迎未語色先喜文人共此心今朝相印矣當其目勞時焚膏夜繼晷諸生八千卷卷卷爲排比劍沒使之升珠埋爲之洗所采青珊瑚一半出海底猜某必耆舊來謁果黃綺決某必英俊登門果桃李凡公所網羅皆我所懸擬異哉精誠通千里如尺咫闐掩耳益聰名糊目不昧復 命公將行有 詔敎公止江南文獻邦督學汝爲使取汝舊玉尺重量新杞梓此信一以傳儒林盡傾耳其夜文昌星繹繹東南指僕老無所求胡亦笑口哆抱此秉夷好區區心未死恨不作諸生呈文寫生紙姑獻五字詩諷誦當瞽史勗公堅初心斯文振頽靡會見斗牛間榮光燭天起

少詹和詩

文章各是非可信者其理以法爲體幹如身頂放趾以古爲血脈如祖宗孫子其下乃逞詞色侔而稱揣相者多舉肥難作詎易視竭來典秋賦未飲上池水徒思鍼癥結敢曰洞骨髓區區執管見清虛去渣滓炮燔雜太羹竇琶亂清徵拔十古得五我今竟能幾不謂勞先生擊節情弗已使人意也消如己得之喜夙昔慕先生仰止誠久矣涓流趨大瀛土圭測穹晷於今始自信嚮往非阿比寸心本同源如水以水洗相知木鑽鑿一見桶脫底隨園秋色老芙蓉爛紅綺來侍雪階程初御龍門李知我氣不怯席間以劍擬倒篋出武庫示我文盈咫入口飲醕醉涉目播糠眯卒讀心犁然禴衽歎觀止韓蘇聽黜陟王楊供

驅使惟當勸先生蚤速付之梓母俾天下人聞風食以耳傳布大江南捷等臂使指書讀  
各萬編手胝口復哆皆學先生文文心長不死我憑以取士徵債操券紙吾門有二妙追  
陪學文史從公登高呼咸使望風靡戲為學步吟敬代請益起

雨亭詩亭采菱隨園作采菱曲

隨園九月秋風煖綠覆一塘菱葉滿騷人都道水羞佳爭脫荷衣爭攘腕小舟一葉繫垂楊  
兩兩三三自作行誤惹萍絲嫌臂滑偶欵蘭槳為風狂風停共指前溪好驚起一雙鸕鶿鳥  
摘葉休驚碩果稀殘紅半落江湖老四角雙稜薦未多分明滿席有烟波嘗來野外清幽味  
合唱吳孃水調歌主人當筵三嘆息眼前草木生區別芙蓉窈窕萬枝花底事無人采紅雪

渡江大風

水怒如山立孤篷我獨行身疑龍背坐帆與浪花平纜繫地無所鼉鳴牕有聲金焦知客到  
出郭遠相迎

重登燕子磯遊永濟寺作

一回舟過一回登垂老江山感不勝題句有心尋四壁高樓無力上三層重摩殿後千尋石  
不見堂前百歲僧默和暮雨悵悵風悄悄鐘聲催點客船燈

江中望樓霞山色弔尹文端公

推篷底事忽淒然望見樓霞一角懸往日風花迎上相祇今宮殿鎖秋烟難忘蕭寺傳箋處  
永斷程門立雪天料得多情羊太傅魂歸還到此山巔



客中誰勸醉如泥，賴有旗懸野店西。望見一竿村便好，未停雙轡馬先嘶。風狂似欲招人急，花落遙知取價低。我是天涯倦遊者，也曾小住喚偏提。

花幔

花太嬌，紅病易侵爲他張幔結。層陰敢遮赤日，當天影恰是慈雲覆。物心甘后帳深難辨玉，阿嬌屋好那須金。平生怨雨愁風意，每倚雕闌思不禁。

掃墓

五十還鄉客，孤單尙一身。白頭人掃墓，愁殺墓中人。

過葵巷舊宅

有序

余七歲遷居葵巷十七歲而又遷居以故孩提嬉遊處惟此屋記之最真四十年來每還故鄉過門留戀今乃得叩閤直入

兒時老屋喜重經鄰叟都疑客姓丁。學舍牕猶開北面，桂花枝已過西廳。驚窺日影先生至，高誦書聲阿母聽。此景思量非隔世，白頭爭禁淚飄零。

題桂樹

笑啼多少兒時事，一一難瞞。是此花今日相逢，花解語也應喚我主人家。別時悔不把

花量別後，花添幾尺長。惆悵風前，一回首負他三十七年香。一枝曾折廣寒宮，貧賤交

情老更濃。笑我歸來無別贈，幾行詩當錦衣封。

贈高嵩瞻觀察

當時落魄帝城東，兩脚行蹤類轉蓬。脫粟一甌誰飯我，居停三月敢忘公。儒林身負三朝望

廉吏家餘四壁風慚愧王孫恩未報千金還在此心中

贈吳紫庭方伯

官鼓鑿鑿漏未闌探知衙散一瞻韓感人叔子聲名遠欵客嚴公禮數寬乍接春風心已醉  
重逢舊雨座增懽謂鞠未自憐猿鶴山林性卿月當天也愛看  
記持手板傍門牆公子

趨庭事未忘一卷文章曾盟誦廿年雲海竟分翔臯夔應羨巢由逸蒲柳終輸松柏蒼寄語

中朝老司寇舊參軍已鬢如霜司寇官秦中命  
杖爲公閱文

在杭州晤茗生太史卽事有贈

聞君遠在會稽山欲往從之江水艱聞君近來會城裏未見君顏心已喜扣門呼君君未應  
湖州太守先相迎平生識面渺難記主愈殷勤客愈驚爲言往日長安居曾與我甥同讀書  
曾蒙我姊賜梨栗曾識我婦顏豐姝三十年前事怊恍昔日兒童今官長憐才念舊意纏綿  
紫綬金章氣蕭爽喜君交結多豪賢感我清霜滿鬢顛推排人世一老物鴻泥何處非前緣  
鄉人飲我吳山頂拉君同往看山景萬戶煙鋪屋瓦平一天雲過杯盤冷烏鴉飛飛暮色蒼  
與君重登太守堂新詩未讀一卷盡夜鼓已作千回撞我歸蕭寺君渡江相思明日仍茫茫

卅年

卅年不到舊鄉村村換人家里換門爭怪武夷君下世公然開口喚曾孫

還杭州五首

望見故鄉城如入前生界茫茫事全非歷歷夢還在離鄉四十年一宿無廳解權儼老僧菴  
得庇敢嫌隘兒童爭聚觀疑我來天外我亦自孤悽將身當客待朝出意尙欣暮歸寂難耐

殘燈壁間小朔風窗外大

骨肉只一人阿姊十年長叩門往覓之白髮垂兩頰聞聲知

弟至迎出精神爽絮語自知多堅坐頻教強相約大母墳明朝一齊往當年侍慈顏惟姊與

我兩今朝奠酒漿知否魂能享姊是七旬人弟搖千里槩此後來者誰一慟何堪想 朝

呼與夫至色然視我驚母乃我與汝彼此有平生與夫拭其目再視再嘆嗟道我新婚時渠

曾推壻車翩翩小翰林容色如朝霞胡爲久不見一老如斯耶與夫言未終我心生隱痛如

逢天寶翁重說黃梁夢 杭州數名勝動說西湖好我來逢冬乾西湖比前小風緊不成

波泥淤時露草姑蕩扁舟行一覽使心了邱壑認新舊亭臺評拙巧雲結畫愔愔木落山悄

悄自笑作陳人登臨亦不早所得寒風多所領遊趣少 飛鳥別故林啁啾如有恨胡馬

戀舊槽悲嘶足不奮矧我父母邦曰歸豈不願奈羈白門久歸期竟難問趁此小住閒忍負

光陰寸從前半面交一一敲門認兒時所踏土處處雙鞋印晷盡輒繼燭路過還回瞬人問

子胡然一笑指雙鬢

喜晤張有虔先生却寄二十四韻

見說先生健相逢喜欲狂人間留碩果天上自斜陽憶昔垂髫日常蒙過學堂摳衣趨典謁

傾耳聽琳琅善謔天花落深談塵尾忙師威因客損講席爲誰涼一日同文戰三人列上座

枚與先生及受業師同入學

扶看棘闈月領採泮芹香簇簇聯壇社紛紛具酒漿嬰妮小童子追逐丈人

行白樸蒙求句黃門急就章捧書爭請益下筆替商量此豈前生事公然五十霜華嚴齊歷

劫鴻爪各紛翔鉛水銅仙淚滄波碧海桑者番習鑿齒重到舊襄陽故國烏頭白先師墓木

蒼西河尋子夏東觀剩中郎足不持筇步牙猶比玉剛輅驚唐顯慶殿愛魯靈光視我年還

幼因君老亦忘黃昏燈閃閃春夢影茫茫蒲柳衰如許松筠體正強何當學雞犬長得侍淮王

十二月九日舟凍毘陵苦寒排悶

紅日不動雪驚沙時鳴牕恃酒敵寒威未戰先已降矧我遠行役臘盡纔歸艫朔風如奇兵  
一夜扞長江堅冰峨峨凝千篙難擊撞糧盡思繼粟村荒斷吠老舍舟思呼車陸行無徒杠  
墨澀遲走硯燈危屢墮缸幾乎死此處斫樹收窮龐羨殺枝上禽衝風還飛雙

白頭

白頭人到莫愁家寄語兒童笑莫譁若道風情老無分夕陽不合照桃花

杭州隴上作

七歲曾焚隴上香六旬重到感秋霜回頭笑問諸松樹我昔來時汝怎長

鮑文石三十索詩

半窗修竹半牀書不賦長楊賦子虛生就騷人風骨冷愛閒多病似相如 已熏生紙榻

黃庭更寫雲烟上畫屏門一湖春水綠書聲時有野鷗聽 三十郎君鬢未凋懸弧時節

正秋宵諸公借此稱觴意各把新詩寄鮑昭